



10333

疏三

請復考試教習舊例摺子

陶澍

奏爲請復考試教習舊例以杜牽混而專訓課事竊惟八旗各學教習向由禮部奏請

欽派閱卷大臣會同監試御史糊

名扁試秉公甄錄投考則有印結以防冒倩已取則加覆試以對筆蹟所以重訓課而嚴弊混法至善也自嘉慶十七年禮部議改於鄉會試落卷內挑取將考試教習之例停止遂至辦理參差多有格礙伏查各學教習之設原以教育八旗子弟非祇

湖南文徵

卷三

疏三

一

爲應試人員增一出身之路也其閒自不容有曠學之時從前考試多係畱京諸生有志赴考是以一經取錄卽在部候缺至鄉會試挑取則揭曉未經中式紛紛回籍者多且有視爲小就而不願畱或身病親老而不能畱遇有缺出每至傳補無人一傳不到至於再傳再傳不到至於三傳三傳不到始傳其次應補之人而其人又或屢傳不到輾轉遷延經時歷月則八旗子弟之曠學者多矣而且挑取各卷多有已取教習謄錄及在各衙門行走之員禮部折閱彌封時例應扣除如癸酉鄉試所挑教習五十名經禮部扣除三十三名榜中填列者僅十七名期閱三年人數難敷於是有越次傳補及別項借補之事書吏得

以從中作弊而物議亦自此滋矣竊思禮部改考取教習之例於落卷挑取名曰防弊實爲省事起見不知考試各有用處教習之與舉人進士事不相侔豈宜省爲一場致滋牽混至若防弊之法則凡考皆不能無弊不獨教習爲然司事者宜因考而防弊不宜因弊而廢考況乎貢監試卷向例祇戳印皿字號今因挑取教習不能以援例之貢監充選又於卷面別印正字則冊籍既繁辨識尤易似於防弊之法反覺有疏也現距丙子鄉試之期尙遠人數無多將來又不免有越次傳補及別項借補之事恐滋弊混應請

旨飭復舊例仍行考取之法俾八旗官學不致懸缺待人各學生得以勤習功課於國家教育八

湖南文徵

卷三

疏三

二

旗之典方爲有名有實臣管見所及伏乞 皇上訓示施行

奏爲遵 旨籌議海運及暫收折色停運治河各情形分別可行不可行恭摺覆 奏仰祈 聖鑒事竊臣於五月二十九

日承準軍機大臣字寄道光五年五月二十二日奉 上諭

前據英和奏通籌漕河全局請暫雇海船以分滯運酌折額漕以資治河當降旨交魏元煜等悉心計議尙未據該督等覆奏本日復據英和奏雇商分運及折漕治河各章程據稱雇商船海運應令兩江總督江蘇巡撫專委幹員先期剴切曉諭每官糧一石給運腳銀若干淨照漕斛兌交仍令該委員親身押運抵津時分出倉場侍郎一人並派戶部堂官一人赴津按官給

湖南文徵

卷三

疏三

三

執照米數漕斛兌收應給商船腳價銀兩由該委員具結承領漕標員弁酌撥河標差委津貼旂丁按照減歇之例辦理安插舵工水手人等援照江浙成案給與盤費歸籍當上海交代時由該督撫等先期咨照江南浙江山東提鎮會哨以資彈壓明歲除豫東照常徵運外江浙漕糧或海運一百萬石或一百五十萬石其餘按照時價暫收折色以濟工需至改收折色酌照市價由該督撫奏定藩司出示曉諭不許科索其隨漕輕齎席木贈截等項亦應折徵併數彙解協濟工需等語治河所以利漕裕國尤當便民英和所奏係屬一時權宜之計朕周諮博訪擇善而從並不預存成見著各該督撫等查照英和原奏章程

是否可行。悉心妥速議奏。毋得遷就游移。致多窒礙。務須計出萬全。期於公事有濟。或此外更有良法美意。可以利漕濟運者。竝著該督撫各抒所見。據實奏聞。不可徒以空言塞責也。英和摺。竝著鈔給閱看。將此由四百里各諭令知之。欽此。仰見我

皇上廑念河漕。勤劬宵旰。屬在臣工。孰不感凜交增。況臣渥

蒙

簡畀。調任江蘇。爲錢糧最重之區。當河漕棘手之際。發

蹤所由。責無旁貸。更何敢遷就游移。致滋貽誤。竊以爲漕米關繫。國家根本。重計而治河。卽所以治漕。上年洪湖決口一瀉無餘。其始祇因堵壩稍遲。遂致諸事牽掣。及今歲而借黃不足。繼以開挑。開挑不足。繼以剝船。剝船不已。繼以車運。現在時日

湖南文徵

卷三

疏二

四

已迫。而漕米之在淮南者。尙有一百數十萬石。勞勞半載。竭蹶倍形。然則變通之方。奚可以不豫也。查海運之法。自元逮明。行之有效。止以閱時既久。章程難復。協辦大學士臣英和前摺所

陳四難之說。言之甚詳。然全漕由海運則不可。而商船未嘗不

可分載。臣細閱英和條議。誠識時之要著。目前籌運之策。無踰

於此。自屬可行。惟現交秋令。西北風多。船行不便。止可預爲布

置。以運新漕。其章程一切。則摺內所舉。照斛兌交官給運腳。及

派委大員赴津。兌收各條。均極周密。臣甫蒞蘇境。與督漕諸臣

尙未晤面。倘條款猶有未盡。自當隨時妥商辦理。以期行之有

益。至折漕一事。尙值歉歲。偶一行之。或山區米少。離水次太遠。

之地意在便民爲朝廷格外之恩今若徧行各屬則格礙甚多所難者尤在銀無所出蓋米爲民間所自有而銀則不能盡有惟待於穀米之糶售漕米改徵折色卽與地丁無異以江蘇一省言之額漕幾及二百萬儻以百萬徵米由海運而百萬折色約計應折銀二三百萬平時一百數十萬之地丁分爲上忙下忙官有情徵之處分民有抗糧之責罰猶且催徵不前積爲民欠矧於數月之內頓加逾倍之正銀勢必穀賤傷農有糶無售比戶需銀而銀不可得閭閻之氣騷矣况一省之漕或徵或折辦理參差尤多掣肘竊意漕米折色他省情形不一若江蘇則勢在難行至停運治河一勞永逸最爲上策惟在去冬洪湖

初決時行之則甚易此時石工將竣蓄水漸深沙泥在底挑挖難施如微山湖則現在本能蓄水又未便涸洩其水以施挑挖也至於漕運渡黃喫緊惟在禦黃壩一處其餘工段均不與運道相連不必停運而始能興工況京師萬方輻輳漕米而外需用甚多若停運一年將南方之貨物不至北方之棗豆難消物情殊多未便是折色與停運二者均有不可行也竊思來歲當以海河並運爲宜廣招商船分作兩次裝載計可運米百五十萬石其餘俱由運河而行秋冬之閒卽由河臣派員將運河挑挖深通俾資順利計來春湖水益增自可引導濟運不至如借黃之累矣大抵專辦海運則恐商船之不足專辦河運又恐

清水之難恃。惟有兩者相輔而行。可期無誤。且米運既分。則運道舒而治河亦易於。天儲仍可擴充。揆之有備無患之道。更屬相宜。所有臣遵旨籌議河漕大概情形。謹據實分別可行。不可行。恭摺覆奏。伏乞皇上聖鑒訓示。

請仿照唐代轉運之法沿淮沿河建倉附片

陶澍

再海運係暫時試行將來河道全通自應仍由河運萬一淺阻亦事所時有應請仿照唐代轉運之法於沿淮沿河一帶建置倉廩遇有阻滯暫爲存貯俟水足時或由剝船載運或由原船次年搭運即使存貯稍久而距京較近緩急究有可恃惟建倉之初所費頗多但以般運各策計之其所費差足相等而倉廩歷久尚在其利較長似亦轉漕之一法可以濟運道之窮緣奉諭旨此外有可利漕濟運者各抒所見謹就臣管見所及

附片具陳伏乞

訓示

湖南文徵

卷三

疏三

七

敬陳海運圖說摺子

陶澍

奏爲敬陳海運圖說仰祈

聖鑒事竊照蘇松常鎮太五府

州額漕因運河阻滯改由上海沙船運赴天津現已辦有成局

依次開行臣伏思海運與河道原相表裏禹貢載揚州貢賦沿

海達淮冀州夾右碣石入海卽海運之始秦唐雖亦偶行其道

難稽明則由膠萊內河轉般登州實爲勞費惟元代海運最久

然至元十九年初次運米僅止四萬三千石明年始抵直沽行

之六七年猶歲祇運米三四十萬不等旋因其路險惡另開生

道運米漸多蓋海船畏淺不畏深畏礁不畏風而畏淺尤甚於

礁明人沿嶼求道非礁卽淺無怪其難自不若元代所開生道

湖南文徵

卷三

疏三

八

卽今沙船所行爲最善查元明入海之道或由瀏河轉廖角沙

或由灌河口至鷹游門今俱壅塞惟吳淞口至十激一路爲宜

而由此運米入海實勗自今年臣因初次試行卽須裝米一百

五六十萬倍蓰從前不敢不倍加慎重每遇熟習海洋之人詳

加詢問證以紀載得其徑道至於大洋浩瀚本無畔岸雖舟人

定之以更香驗之以水色格之以鍼盤究難確指其道里數目

惟有就西岸對出之州縣汎地比照核計不相逕庭其小島微

嶼亦難盡載謹摘敘大凡略分段落并繪圖貼說恭呈

覽

御

第一段海船自上海縣黃浦口岸東行五十里出吳淞口入洋

繞行寶山縣之復寶沙迤至崇明縣之新開河計一百一十里又七十里至十澍是爲內洋十澍可泊船爲候風放洋之所崇明縣地 第二段自十澍開行卽屬外洋東迤一百八十里至佘山一名蛇山又名南槎山係荒礁上無居民不可泊但能寄棹爲東出大洋之標準蘇松鎮所轄 第三段自佘山駛入大洋向正北微偏東行至通州呂泗場對出之洋面約二百餘里水深十丈可寄棹從此以北入黑水大洋至大洋梢對出之洋面約一百四十餘里係狼山鎮右營所轄又北如皋縣對出之洋面起至黃沙洋港對出之洋面約二百六十餘里又北泰州對出之洋面起至黃家港對出之洋面約二百二十里係狼山鎮掘港營所轄又北至鬪龍港對出之洋面約二百里又北至射陽湖對出之洋面約一百二十里係鹽城營所轄又北至黃河口對出之洋面約一百二十里係廟灣營所轄黃河口稍南有沙埂五條船行遇東風則慮淺閣宜避之又北至安東縣灌河口對出之洋面約九十里係佃湖營所轄又北至海州贛榆縣鷹游門對出之洋面約一百八十里係東海營所轄計自佘山大洋以北起至鷹游門對出之洋面止約計一千五六百里統歸狼山鎮汛地凡舟行過佘山卽四顧汪洋無島嶼可依行船用羅盤格定方向轉鍼向北略東行如東南風則鍼頭偏東一箇字如西南風則鍼用子午查江南佘山與山東鐵槎山南

北遙對謂之南槎北槎行船應用子午正鍼因江境雲梯關迤東有大沙一道自西向東接漲甚遠暗伏海中恐東風過旺船行落西是以鍼頭必須偏東一箇字避過暗沙再換正鍼此沙徑東北積爲沙埂舟人呼爲沙頭山若船行過於偏東一直上北便見高麗諸山故將至大沙時仍須偏西始能對成山一帶也第四段行過鷹游門對出之洋面往北卽山東日照縣界山東水師南洋汛所轄又北至文登縣之鐵槎山一名北槎山自佘山至此始見島嶼又北至文登縣之馬頭嘴入東洋汛界徑由蘇山島靖海衛及榮城縣之石島養魚池石島居民稠密可泊惟島門東南向春時乘風易入難出自鷹游門至石島約

六百餘里大洋中雖舵工以鍼盤定方向猶須常用水託水託者以鉛爲墜用繩繫之探水取則也每五尺爲一託查十激開船試水自十託至二十託上下行過佘山試水均在三十託上下順風二日餘均係黑水再試至十託上下卽知船到大沙洋面行過大沙試水漸深至五十託上下視水綠色則係山東洋面順風再一日試水二十託上下水仍綠色遙望北槎及石島一帶山頭隱隱可見再行半日卽至石島洋面此商船赴北一定鍼路也第五段自石島至俚島洋面約一百六十里俚島至成山洋面約一百四十里俱榮城縣地爲南北扼要之所可泊水綠色鍼盤仍用子午略偏東從成山轉頭改鍼向西略北

入北洋汎界至文登縣之劉公島約一百餘里。又西至威海衛一百餘里。又西至福山縣之之罘島一百餘里。又北至蓬萊縣廟島二百餘里。以上自石島起至廟島止約共九百餘里之罘島西北一帶有暗礁。船行偏東以避之。又廟島之東有長山頭淺灘宜避。試水在十五六託至二十託不等。船至廟島以東南風爲大順。計東省洋面共一百零五島。中有二十五島最爲海道要地。而廟島尤大可以停泊。第六段自廟島過掖縣小石島卽入直隸天津海口約九百里。鍼對大西偏北。沿途試水在十四五託。再試水至六託上下。水黃色水底軟泥卽可拋錨候潮進口。約計天津海口逆流挽絳一百八十里。卽抵天津東關。

湖南文徵

卷三

疏二

十一

外。以上海運水程自吳淞口出十澂東向大洋。至佘山北向鐵槎山。歷成山西轉之罘島稍北抵天津。總計水程四千餘里。伏查我朝自康熙年間開海禁以來。商船往還關東天津等處習以爲常。凡駕駛之技趨向之方。靡不漸推漸渾。愈久愈精。是海運雖屬試行。海船實所習慣。而春夏之時。東南風多行走尤爲順利。臣謹就見聞所及。臚陳大概。伏祈 皇上聖鑒。謹奏。

請將徐海匪徒鎖繫鐵桿摺子

陶澍

奏爲查辦刀械匪徒請嚴懲其始以資整飭仰祈

聖鑒事

竊照江蘇省徐邳淮海一帶與皖豫山東等處犬牙相錯匪徒惡棍出沒其閒兼之民俗強悍以佩刀執械爲能事傷人釀命之案倍於他屬屢經臣督飭訪拏拘獲匪犯多名竝起獲兇器等件疊次附片 奏明懲辦在案惟查此等匪棍其始亦不過尋常游手任性而行漫無拘束漸至三五聯絡藉端嚇詐稍有睚眦卽拔刀相向庸懦畏勢不敢與較以致益鳴得意愈肆橫行久之遂成掖刀渠惡騷擾棍徒兇搶仇殺爲害遂烈雖屢加創艾總未能杜絕根株良由習與性成其來已非一日查定例

湖南文徵

卷三

疏三

七

掖刀匪徒在於場市結夥搶奪原有斬絞之條棍徒生事行兇亦有遣戍之例一經犯案不難按例加重辦理而此等佩執兇器偶然挾詐逞兇平日又無犯法實蹟按照本例僅止枷杖旣不敢稍存周內強相比附而責釋之後故智頓萌轉以輕於嘗試長其犯法之心實屬大爲民害臣思刑戮施於小人與其治之於已成而窮搜遠捕誅不勝誅自不若防之於未然而小懲大誡辟以止辟伏查嘉慶十六七年閒四川廣東兩省因緝匪及無籍棍徒攜帶刀械行竊嚇詐奏請鎖繫鐵桿欽奉 諭旨允行厥後匪徒稍知斂戢今江蘇省徐淮海三屬匪徒與四川廣東情形相類應請仿照該省成案除常用小刀不在例禁

外如有佩帶兇器刀械之挾詐棍徒一經拏獲每名鎖繫鐵桿一枝以四十斤爲度定限一年果能改悔自新卽予釋放若不悛改再繫一年儻仍始終怙惡卽按其情節照棍徒屢次擾害行兇之例分別從嚴究辦庶幾消其桀驁力挽頹風於懲創中卽寓振興之意再江蘇省接近如山東之兗沂曹三府河南之汝陳光等府州安徽之潁鳳泗三屬民情勁悍地界相連可否一體仿照辦理於壤錯相連之處緝捕更爲有益臣爲戢暴安良起見謹會同兩江總督臣琦善恭摺具奏伏乞 皇上聖鑒訓示

請將前明高攀龍從祀 文廟摺子 陶澍

奏爲請增 文廟從祀儒臣以崇正學仰祈 聖鑒事竊惟
致治必資懋學繼往卽以開來 孔聖之道師表萬世而歷代
端粹之儒亦得從祀 廟庭俾廣心傳典至重也茲據蘇州藩
司賀長齡會同臬司覺羅慶善詳據常州府無錫金匱兩縣紳
士秦大治華端翼陶沅廉志勳等呈稱明故都察院左都御史
諡忠憲高攀龍承晦菴之主敬師伊川之存心以險阻艱難爲
體認身心之地其境愈難其學彌粹凡德業進修之地友朋麗
澤之功見於所著三時困學諸記語錄會講等書操履涵養粹
然一出於正死生榮辱確乎不動於中實爲理學之宗宜列先

湖南文徵

卷三

疏三

古

儒之祀伏乞詳題從祀 文廟等情由該府縣學取造事實冊
結詳司核轉請 奏前來伏查 欽定明史儒林傳序言正

嘉以後篤信程朱不遷異說高攀龍其卓卓者又 御批歷

代通鑑輯覽注載攀龍學本濂洛操履篤實涵養邃密粹然爲
一大大儒又 欽定四庫全書總目載高子遺書十二卷其

學以格物爲先講學語類多切近篤實闡發周密立朝大節不
愧古人等語又查劉宗周文集稱古有朱子今有忠憲黃宗羲
謂海內以高劉並推大儒可無遺議陸隴其亦謂古今有成德
之師有興起之師成德之師砥礪磨礪造人材於粹精之地程
朱是也興起之師廉頑立懦拔人心於陷溺之中高劉是也是

皆以攀龍與宗周並稱比諸程朱考其生平持身則主敬存誠
立朝則直言正色卒能取義成仁不負所志其立說著書授徒
講學皆宗經衛道足以模楷儒林恭逢我國家昌明正學崇
勵真儒明臣如劉宗周已荷特旨從祀呂坤黃道周亦皆次
第表彰仰邀俞列兩廡高攀龍忠節旣樹人倫之鵠道德尤
爲後學之宗似宜增入從祀以勵真修而端儒術除將送事
實冊結咨送部科外謹會同兩江總督臣琦善江蘇學政臣辛
從益合詞恭摺具奏伏乞皇上聖鑒敕部議覆施行

縷陳巡閱江西各境山水形勢及私梟會匪各情形附片

陶澍

再臣查江西一省界連兩湖及皖浙閩粵各境羣山環繞眾水西流九江南康爲之門戶其民勤儉務穡牽車服賈不遠千里君子重節義而能文章理學事功代不乏人敦於宗族家有譜系祠墓久遠不忘根本此其風俗之美也及其敝也則勤儉或流爲嗇刻析利毫芒而親睦之意衰甚者棄詩書而事刀筆故訟風尤熾族姓眾者丁口萬計動輒恃眾抗官逞強陵弱轉以宗祠爲聚眾逋逃之護符人命盜案一入強梁之村落往往不服拘拏一訊可了之案或至經年累月不能完結此風近山各

湖南文徵

卷三

疏三

七

屬類然饒吉袁臨皆所不免而贛南甯都一帶爲尤甚該處向多匪徒此拏彼竄迄無定所臣此次親蒞各境縱觀形勢其山

脈自九嶷至湖南之郴桂分爲兩幹一由桂東而北起武功蘆簫至瀏陽萬載交界之鐵圍山分支趨通城九宮以逮武昌正支由義甯起銅鼓逕武甯德安而盡於匡廬西水皆歸洞庭入江東水則歸彭蠡也一由郴州宜章至崇義起聶都山爲章水之源逕大庾嶺轉定南逕大帽三伯桶岡洑頭而至長甯會昌之軍門嶺盤古山南則滇水入廣洑水入惠大帽水入潮皆歸南海北則羣水盡歸貢江源出瑞金接汀州界之安樂山西流會章而爲贛也由盤古山北折至甯都州一支西去起石城廣

昌各山逕建昌撫州而迄於省城則盱江撫河出焉一支又北逕甯化崇安界起牙梳嶂上各嶺過武夷至銅塘封禁山而迄於常玉山則廣信河出焉由玉山西北起率山大鄣至浮梁而婺水饒水出焉又西逕建德鄱陽而盡於湖口與廬山東西對峙彭蠡湖水出於其閒山川蟠互外嶽而內縮雖面面皆險而無險可禦卽如私販一項有浙私有閩私有粵私四處蔓延在官商方以挽運爲艱而梟徒轉藉崎嶇爲得計總由私鹽外入有居高臨下之勢如廣信例食浙鹽南贛甯都例食粵鹽業從山脊引入腹地而欲於下游散漫之區驅之使退其勢已難以致饒州南康被占於浙私吉安臨江被占於粵私如長汀甯化

光澤崇安等縣皆隸閩省而居屆山梁是以建撫各屬竝不例食閩鹽而閩私徧地皆因乘虛易入之故又會匪一項自閩界粵界以逮郴界綿延數省無非窮僻山區易藏易竄爲害甚鉅其宰雞滴血鑽橋飲酒傳授口訣散受花帖傳徒者皆真會匪也情罪最重閒有富民畏搶庸懦被欺脅從圖保身家與夫釀錢酬賽如城隍財神等會則雖會而不必真匪也更有一種游手兇徒俗名爛仔又謂之流打浪遇事生風執持刀械每因微隙糾黨仇殺擄掠畜產拆毀房屋捉人勒贖或攔路打搶或臨河行劫冒充水手擔夫伺客重貲暗行賊害或遇客船遭風閣淺假救護爲名搶奪貨物贛河下游一帶往往有之此則匪而

不會其情罪無殊於會匪必應嚴懲查贛南等處會匪連年懲創如前任贛守汪云任知縣周玉衡任內查拏最多匪徒知畏署守南昌同知霍樹清亦經拏獲會昌雩都匪犯三百餘人仇殺搶犯百餘人審結搶劫大案五十餘起接任陞守易中孚豐林等亦皆認真緝捕有犯卽懲其風業已衰息惟此等匪徒散難聚易未可鬆勁全在守令得人現在霍樹清署理南安其贛州府缺緊要容臣會同撫臣遴員調補至江西鹽務緝私最要竝容臣逐細籌商陸續會辦所有臣巡閱所蒞各情形謹附片縷陳伏乞 聖鑒

會同兩湖督撫籌議楚省鹺務摺

陶澍

奏爲會籌楚省鹺務緝銷事宜恭摺

奏祈

聖鑒事竊臣

陶澍欽奉

諭旨派赴江西安徽一帶校閱營伍

奏請順

道回籍修墓并乘便會同

臣

訥爾經額周之琦

臣

裕泰籌商

淮鹽緝銷事宜仰荷

聖鑒所有湖南鹺務

臣

陶澍前過長

沙曾經晤商

臣

裕泰茲由洞庭順颿東下於十一月初七日行

抵鄂垣與

訥爾經額

臣

周之琦會晤復將鹺務彼此悉心籌

議緣湖廣北南兩省爲行銷淮綱最重口岸每年額引七十七

萬九千九百餘道而網載之儀徵老河引距貯鹽之漢鎮相隔

幾及二千里長江險阻風信靡常挽運本屬不易加以船戶水

湖南文徵

卷三

疏三

九

手之夾私盜賣中途節節逗遛稽察更屬難周且楚省係水陸
通衢界連川粵豫皖等省四通八達鄰私最易侵灌防範設或
稍疏卽致貽害腹地內如湖北宜昌府屬之官渡卡緊接川江
從前銅鉛船自四川裝運北上一路收買川私入楚售賣經由
卡隘并不聽候查驗以致宜昌一郡盡食川私并灌及下游荆
州各屬與荆門之遠安當陽湖南之澧州石門等處大爲淮綱
之害卽經議定章程奏奉

諭旨飭令宜昌鎮總兵親督卡

運各員查驗催趲并雲貴四川各督撫飭令沿途各州縣嚴禁

售給該船戶鹽斤自奉行一載以來宜昌一帶水道川私嚴行

堵截銷數日有進步又隨州應山切連豫省信陽州等處多被

潞私侵灌黃安麻城切近光山固始及皖省英山等處多被蘆私侵占。接近淮北票鹽之處亦有闖入。皆因小民趨利若鶩。貪賤食私。緣山越嶺輾轉售賣。前經臣陶澍於淮北英山等處設卡。并派六安營參將趙承德等帶兵以時巡歷查拏。復經臣訥爾經額臣周之琦派令湖北鹽道于克襄親往黃州各屬勘明要隘。分設卡座堵緝。近來銷數已有轉機。又襄陽府各屬與豫省南陽各處犬牙相錯。豫省行銷潞鹽較之淮鹽價值貴賤懸殊。侵灌本易。而豫省奸商又復逼近楚境廣開子店。甚至包運到楚轉賣。以致占礙淮綱大爲官引之害。現於奉旨飭拏匪犯張開運案內究出梟販多名。拘獲究辦以示懲創。應俟會

湖南文徵

卷三

疏三

三

同河南撫臣籌議疏緝章程另行具

奏。又湖南郴州所屬之

永興縣係粵鹽引地。粵商開設子店行銷生鹽。與淮界熟鹽本

有區別。詎粵商藉海船船底沙泥。準其煎熬名色多設熬鍋。將

生鹽煎熟侵灌淮界。以致楚省引額短絀。道光十一年經前任

湖廣督臣盧坤奏奉

諭旨。必應嚴定章程。令各守地界酌

定熬鍋額數。永定限制。毋許私增多設等因。欽此。盧坤當卽欽

遵飭令兩省委員核議。嗣經盧坤核定。每子店一家準其畱鍋

一口。咨商粵省而粵省總以熬鍋不能定數爲詞。及盧坤調任

廣東臣訥爾經額頻年文移往返咨商。而粵商又紛紛具呈。終

不肖酌定額數。以致迄無成議。影射多熬充賺。淮引在所不免。

伏思粵省來咨以粵鹽係通省融銷若將永興子店限定熬鍋口數該省引課卽有阻滯兼以楚省所議拏獲販私人犯例應訊明來歷如訊係永興子店所賣咨提究辦乃謂楚人自犯之罪與粵省子店無涉不應妄扳拖累等語伏思緝私扼要必當澄本清源惟不稍存畛域始能各固藩籬粵省融銷分數未必全在永興一縣何以不能定額行銷且熬鍋係爲煎熬海船艙底泥沙而設爲數甚微何能藉此裕課其必欲廣設熬鍋無非藉端影射將生鹽煎熟混雜侵灌淮界是粵課固可寬裕而淮引卽被侵占剗肉補瘡於公何補且查湖南省頻年詳辦販賣粵私案件不一而足雖各犯罪由自取而多畱熬鍋爲奸竊開

湖南文徵

卷三

疏三

三

偷漏之門陷愚民蹈販私之網於理似屬未協事關有礙淮引若不定以限制誠恐愈增愈多無所底止查永興縣現存子店六十五家相應請

旨飭下兩廣督

臣將永興子店六十五

家每家只準存鍋一口永爲定額不準私自加增及添設子店鍋口尺寸亦不準稍有寬大總期於粵引淮綱兩無妨礙至於拏獲私鹽須照例究明買鹽來歷行提審辦粵商更不得規避狡卸失察私鹽出境地方文武各官亦應照例議處庶可各知儆戒以固藩籬此外疏銷事宜前次立法已詳如有應因利乘便之處隨時斟酌辦理不令窒礙

臣等惟有隨地隨時同心協力認真經理以冀課裕引暢仰副

皇上整飭離綱之至意

所有_臣等會籌准離緝銷事宜謹合詞恭摺具奏伏乞
皇上聖鑒訓示再_臣陶澍拜摺後卽日起程由水路回江辦事
合併陳明

湖南文徵

卷三

疏三

三

再臣查鹽務紛繁弊端不一如印本賀票貼息套搭皆弊混之尤者不肖奸商巧立名目借端開銷以致庫本全空課項日絀竟有積重難返之勢卽如商人辦運所有引課場價運腳使費一切併計謂之成本內有商人缺底一項名爲根窩每引取票銀一兩每年按引卽須銀一百六十九萬有餘歸於底商先國課而坐收其利其餘則淨費居多每由總商開銷取之散商名爲辦公而實不知其名目盈千累萬任意攤派此類甚多成本安得不重成本既重則售價必昂而私梟由此起矣如漢鎮爲銷鹽第一口岸鹽價每斤需錢四五十文迨分運各處銷售

湖南文徵

卷三

疏三

三

近者六七十文遠者竟需八九十文不等其實鹽務成本首重正課其次則場價計每引配鹽三百七十四斤僅徵正課銀一兩至數錢零不等其硃單雜課亦僅徵一二錢不等計算場價每鹽一斤不及十文而轉銷各處竟至數十倍之價且有攙和污泥雜入阜茨蛤灰等弊鹽質更差以致江廣之民膏血盡竭於鹽貧家小戶往往有兼旬彌月堅忍淡食不知鹽味者而鄰私乃乘機灌入此非私販之銷售能勝於官實由鹽價大昂有以致之也至於儀徵一帶爲捆鹽之場奸商與商廝難免私行夾帶江船水手從而效尤而私梟亦因以罔所顧忌其實私梟所販之鹽卽係場竈所產之鹽如果商人能收買餘鹽何致有

私鹽可販。祇因商不能收。而竈戶窮困。偶有透漏。以資朝夕。遂致輾轉負載。積少成多。而無資本。無身家之匪徒。聚而成梟。幸此輩多係烏合。見利則趨。聞拏則散。現在知縣王用賓。署游擊。金萬全。皆練於緝捕之人。梟徒警畏。自六月內。黃玉林指拏各犯以後。紛紛逃散。地方尚屬靖謐。惟鹽務。拔本塞源。必須革去奸商。另招殷實。而殷實之商。又必須明定章程。刪去浮費。使不受總商攤派之累。然後肯來。前與運司諄切言之。當可次第整理。合併附片具陳。伏乞

聖鑒

湖南文徵

卷三

疏三

三

再陳淮鹺積弊摺子

陶澍

奏爲淮鹺疲壞已極縷陳積弊情形請

旨飭查辦理藉資

補救仰祈

聖鑒事竊照兩淮鹽政關係

國帑臣頻年在

蘇已聞其疲敝情形日甚一日但不料山窮水盡竟至如是之極固由院司屢易漫無責成因循諉卸各顧目前而庫貯既空奸商無可咀嚼遂成渙散臣細加察訪其來有自亦不起於近日查淮商向有數百家近因消乏僅存數十家且多借貲營運不皆自己貲本更有以商爲名網取無本之利竝不行鹽者以致利衰引滯向係兩年三運今乃一運兩年愈遲愈積月利愈虧而商人習慣淫侈率多醉生夢死之徒不知自行經理惟任

湖南文徵

卷三

疏三

五

商夥商廝編擺作弄朦混侵吞以致日形竭蹶其岸引所以滯銷者一由成本積漸成多一由藉官行私過甚查成本之輸於官者爲科則有正項雜項外支帶款等名目用於商者有引窩鹽價捆壩運費辛工火足等名目此外應徵雜支各款尙多而外銷活支月摺岸費等款皆總商私立名目假公濟私詭混開銷種種浮費倍蓰正課統名爲成本歸於鹽價以致本重價懸銷售無術轉運愈滯積引愈多不得已而銳銷一年讓出本綱地步作爲分限難補且每綱支解之款不能停緩復將上綱下綱徵收之銀通融借墊輾轉那用屢銳屢積更於科則之中帶徵帶補逐漸愈增此成本所由積重也私鹽充斥固應首重緝

私然岸銷之滯不盡關梟販其商運官引之重斤與裝鹽江船之夾帶實爲淮綱腹心之蠹在商人於正鹽之外本有耗滷無課之加斤卽無異官中之私而又有包內包外之私其包內者係運商捆鹽出場多帶重斤商廝商夥亦復如之且又短發江船水腳以鹽斤私抵船價其短發所給之價復被廝夥埠頭等勒扣過半甚至船戶不領腳價轉以重賂向商廝埠頭等圖謀裝鹽下至商宅之婢役亦月有饋費彼江船何苦爲此無非藉公裝私而已聞江船裝鹽每捆解放私鹽謂之買硃每船裝官鹽十之五六餘艙盡以裝私謂之跑風船旣裝鹽將全引一船之鹽分爲三四船遇有一船遭風失淺卽捏報全引淹銷將竝

未失事之二三船亦請補鹽旣得照例免課又得通綱津貼到岸之後并得提前先賣謂之淹銷補運是以一引而換數引明目張膽之私也及抵漢岸商人擡價居奇停船挨賣謂之整輪以窄徑自窘而私販轉得暢行迨窮年守候銷售無期於是在後之船鑽營以提前其黠者將待輪之鹽偷賣俟輪到時買私補填謂之過籠蒸糕甚至鹽已賣盡仍報淹銷將船繫沈以滅其偷賣之蹟謂之放生各種變竇皆起於整輪不但擡價實便售私此又藉官行私之爲害也引旣不能年銷年額課焉能年清年款從前章程本爲虛立而且虛稱報效無非分綱壓派之爲虛報奏銷更起懸壑那移之漸前綱懸壑後綱復難那補解

餉無措。於是遮掩彌縫。有預納減納貼色貼息之名。或折減若干。作爲正數。其貼色貼息亦於正數內少完若干。作爲加色加息之數。商既巧占便宜。而庫貯因以短縮。與州縣之虧那何異。其少納之數。雖云分綱帶完。然積欠以至數千萬。前次清查。或分十五綱帶徵。或分三十綱歸補。輾轉相承。從何徵納。且以前商折減少納之課。攤派後人彌補。李代桃僵。偏枯孰甚。以致殷商裹足不前。正課益懸而無著矣。至於報効一款。原係因公抒誠得沾議敘。自應各出己貲。乃亦先由運庫墊解。分年帶繳。積欠纍纍。是庫存正款徒爲商人騙取議敘之用。而商捐之名。適足爲消耗之目而已。以上數端。夔起於商而利不在商。商既自

敝而課因以敝。現在已丑之引行銷甫半。庚寅年尙未開綱。課絀商刁浮僞百出。造謠興謗。不服稽查。輿言及此。可勝慨歎。然銅鑿既深。不得不亟求補救之法。臣之愚見。謂宜計船裝鹽。不畱空艙。則受載有定數。而夾帶易查矣。實發水腳。毋許剋扣。則船戶不藉口。而腳鹽易清矣。遭風失淺之船。準其補鹽。不準免課。則淹銷無所利。而捏報自少矣。嚴查水程。俾銷數有準。而無引之私自剔矣。更宜大減浮費。節止流攤。以輕成本。而恤運商。以上各條。應請

旨敕下鹽

臣

督同運司鹽道。妥議籌辦。實

力奉行。臣亦隨時稽查。以資應助。至於收買餘鹽。減價敵私。皆正本清源之上策。而現似力尙未能。惟有口岸散輪。則銷路暢

而場竈自清。食價平而民情大順。私鹽不戢自靖。無如商情固執。但知目前搶跌微似有虧。不知守候太久。月利全無。縱使每斤多賣數文。得不償失。況過籠蒸糕。沈船放水。百弊由此而生。於商大有未利。不止於虧。國課而病閭閻也。查從前兩江督臣孫玉庭與湖廣督臣陳若霖籌辦散輪時。於前兩月同到之船散賣既畢。再開後兩月之輪。以散寓整。最爲法良。意美。行之業有成效。自道光八年冬底復改整輪。未及二年而鹽務敗壞至此。不可收拾。然則整散之效。不待智者而始知矣。應請

敕下鹽

臣

會同湖廣總督。遴委廉正勤明之員。查明漢岸現在

滯銷引鹽。共有若干。仿照前次散輪之法。辦理積滯。庶可暢銷。

湖南文徵

卷三

疏三

天

新綱始可發運。以冀稍有轉機。漸還舊制。臣爲鹺弊太深。暫資補救起見。是否有當。伏乞 皇上聖鑒訓示施行。

會同

欽差擬定鹽務章程摺子

陶澍

奏爲會籌兩淮鹽務疲敝情形擬仍循舊章大加釐剔嚴定條款以肅鹺務仰祈

聖鑒事竊

臣

王鼎

臣

寶興奉

命前

來江南會同

臣

陶澍籌辦兩淮鹽務會將查出庫貯墊占虛報

奏銷商運稽遲竈私透漏各實情并分派司員會同地方委員

分赴各場履勘緣由奏報在案

臣

等一面將准綱全局詳加綜

核逐細鉤稽力求課歸場竈之法惟是兩淮歲徵正雜課銀及

帑利各款四百餘萬絲豪皆

國帑攸關既宜籌利所從生必

須防弊所自伏因思責成場竈大要有三而皆有窒礙之處一

由竈丁起科淮南以鏹煎鹽淮北以池曬鹽今按池鏹定課每

湖南文徵

卷三

疏三

五

鏹每池約徵銀百餘兩竈丁皆瀕海貧民若令先納課而後賣鹽則力有未逮抑令先賣鹽而後納課設遇歉產之日勢必課宕丁逃且場鹽每斤向賣制錢一二文三四文不等今加入課銀六釐是課重本輕私賣但及交課之半竈丁卽獲大利販商卽省重貲仍難免透私之弊此竈丁起課之難以遽行也一由垣商納課招徠殷商令其認課包納竈鹽悉歸該商經理出賣寓散於整較爲扼要惟兩淮池鏹半係竈產以已業而聽命商人情必不願況商人惟利是視秤收則勒以重斤借貸則要以重息竈戶狃于售私職此之故竈不樂以鹽歸垣商亦必無貲完課此垣商納課之亦難遽行也一由場官收稅就各場產鹽

引額攤定課額商販先向場大使報明認買斤數照額納課赴各竈配買鹽斤如此官爲經理似覺核實無如計算產鹽最多之伍祐等場照引定課應徵銀六十餘萬兩卽等而下之如梁塚等場亦應徵銀二十餘萬兩雖淮濟等關蘇松各縣錢糧不及此數鹽場徵員豈能任此巨帑況試行之初額難懸定若聽其儘收儘解難保不匿報侵欺兼之場署多在海濱旣無城郭之防又乏營汛之衛徵解亦恐致疏虞此場官收稅之亦屬難行也至於就井抽稅滇省雖有成效但兩淮情形與滇省不同滇省鹽井二十四區課額三十餘萬兩防邏易周課程亦易足兩淮場地延袤八百里水陸交通非滇省一井一官卽能查察

湖南文徵

卷三

疏三

三

可比且商運先課後鹽額亦十倍滇省未易仿照辦理茲據司員及委員等各以查勘場竈苦累情形陸續稟覆臣等以事關勅始必須計出萬全連日公同籌酌竭誠殫思期於變通盡利而利之所在弊卽因之卽使先爲試辦而清竈僉商改官變法非一二年規模不能粗定小民難與圖始雖廣爲曉示亦恐觀望不前卽商販通行又必南侵閩浙綱鹽北侵蘆潞綱鹽若不統各省鹺務通盤籌畫實不免此羸彼絀之虞況此一二年中課額未可常懸場鹽未可停捆各岸食鹽更未可久缺假令試行盡善固可埽除積弊設或稍有未協卽難再復舊章伏思我朝准鹽定制杜透漏則有垣竈之稽查防捆夾則有壩所之

掣摯絕船私則腳價毋許折給通綱引則口岸無事輪編至於
筦庫核自運司無占墊通邢之弊緝私責在弁汛嚴游巡堵截
之方逐層防範至周至密果能實力奉行自不致有流弊無如
相率因循積重難返此非法之敝人人實廢法請卽准鹽弊之
大者論之一曰浮費歲徵正雜各款以產鹽分數核算行銷盡
屬有餘乃外解外支各項復有數百餘萬兩之多其中如鹽政
之辦貢辦公及漢口之岸費揚州之活支乏商之月摺等項其
至一切官私酬應均列入成本開銷似此積習相沿無怪成本
日形喫重二曰夾帶兩淮正引三百六十四斤現在各場捆鹽
多者幾至加倍此商人引鹽之夾帶也其餘商夥商廝舵工水

手無不各有重斤私捆攙雜多裝是以沿途則有買阻跑風名
目到岸則有過籠蒸糕情弊并有糧船影帶之食鹽商巡報獲
之功鹽無非假公行私將無課之鹽先儘售賣綱食各引安得
不滯三曰私販淮南之老虎頸及深江孔家涵淮北之錢家集
古寨及新壩龍苴城等處向爲梟徒盤踞馬頭鹽務中雖有緝
捕經費之名而汛兵巡役往往得規庇縱且淮鹽行銷六省地
方遼闊如湖北之荆襄一帶則有潞鹽之私江西之南贛一帶
則有粵鹽之私他若河南之蘆私安徽之浙私皆由各省越境
透漏占礙淮綱其害又不獨在梟販此皆淮綱受病之處而推
求致病根源實因視成法爲具文久之遂渙散而不可收拾誠

非區區補偏救弊所能轉機。惟有將舊章大加釐剔。現計革除浮費銀二百六十萬兩。成本既輕。鹽價自減。儘可敵私。民間亦何樂蹈買私之罪。將私販不緝而自除。而且清庫款。革總商以杜侵漁之漸。定秤桶編船號。以絕影射之萌。挑河道散輪規。以暢運銷之路。酌帶銷緩積欠。以清套墊之源。使射利者無可借端。欠課者無從藉口。似較課歸場竈之法。確有舊轍可循。謹分爲十五條。另繕清單。恭呈御覽。伏候欽定。臣王鼎

御覽伏候

欽定。臣王鼎

寶興經此次釐定條款之後。臣陶澍原有兼轄鹽務之責。隨時隨事力加整頓。儻仍有透私墮課各情弊。立將玩誤之官弁商人盡法嚴懲。示儆。斷不致偶涉姑容。如此行之數月。定有起色。

湖南文徵

卷三

疏三

三

查現在已丑綱未銷之鹽。尙有三分。庚寅全綱並未啟銷。應自辛卯綱起。卽照新定條款辦理。第不劃清界限。仍易啟套搭之弊。應請前項未銷之鹽。隨時帶銷。如遇銷數通暢。卽援照從前辦過提綱成案。儘數補銷。毋任積壓。再淮南南北各場存積之鹽甚多。數月以來。商不收運。以致場竈苦累。課帑支絀。此時已屆年終。辛卯立應開綱。應嚴飭商人趕緊買運交課。如有藉端延宕。輕則立予參革。重則嚴行治罪。總期弊去太甚。法在必行。以仰副聖主飭綱裕課除弊便民之至意。所有臣等會同籌議緣由。理合繕摺具奏。伏乞皇上聖鑒。訓示遵行。

謹奏

覆奏課歸場竈之說未敢遽行摺子

陶澍

奏爲遵

旨核議鹽務條陳各件通盤籌畫恭摺覆

奏仰

祈

聖鑒事竊臣節次承準軍機大臣字寄欽奉

諭旨

將侍講學士顧純奏請課歸場竈光祿寺卿梁中靖請就場收稅各一摺。飭交臣悉心籌畫核議具奏。又前後遞到太僕

寺少卿卓秉恬請仿照王守仁贛關立廠抽稅一摺。江西巡撫

吳光悅請撤商歸竈徵其課稅一摺均奉

旨交臣與湖廣

江蘇江西湖北安徽河南各督撫悉心妥議具奏各等因。臣查諸臣所請變通鹽法其說不一。皆主於化梟爲良無官無私立

意誠爲甚善。惟臣再四籌畫通盤合計。仍有未敢遽議更張者。

湖南文徵

卷三

疏三

三

兩淮鹽課甚重。三倍於江蘇全省之錢糧。非通泰海一隅之場地所能歸入。若徵之於竈。則沿海窮民家無長物。卽謂鹽歸丁賣不患其貧。而一池一鍬獲利幾何。豈能以數百萬之鉅款散而責以完納。若欲就場收稅。則又弊竇易滋。蓋鹽之爲物與布帛菽粟同功而不同用。布帛菽粟隨處所有。成本重而課稅輕。然且不免於透漏。若鹽在場竈。每斤僅值制錢一二文。一經收稅。則價隨課長。爭其利者必多。海濱廣斥民竈雜處。池以埽鹽。凡有箕帚者皆可埽。鍬以煎鹽。凡有鍋竈者亦可煎。將比戶皆私課稅。且因之而更紕。至於設廠抽稅。或可小試於一隅。若行之於各省。則與就場設官徵稅之法。地不同而流弊同。緣各省

道路四通八達。凡鹽所從入之地。安必處處皆有隘可守。繞越漏私轉恐比場竈爲更甚。總之無官無私。必須無課無稅。而後可業。經有稅有課。卽屬有官有私。如謂一歸場竈。一設鹽廠。卽可上裕。國帑而化梟爲良。竊恐有所未能。且此數說者。皆本於唐臣劉晏聽其所之之一語。故諸臣皆以爲化梟之良策。其實劉晏榷鹽。卽今商運之法。所謂亭戶糶商人是也。晏建常平鹽倉數千。商運不至。則減價以糶。置巡院十三。以捕私鹽。姦盜爲之衰息。是晏恐遠省缺鹽。及商竈漏私。已於聽其所之之先。大有布置。竝非僅聽其所之。而遂能化梟爲良也。且晏當日係總天下之鹽。而榷之。故能聽其所之。今則某省食某處之鹽。各

湖南文徵

卷三

疏三

五

有口岸。若淮鹽任其所之。必至南侵浙閩。北侵蘆潞。兩淮未收其利。而他省已受其害矣。儻因此遂改天下之鹽法。盡歸於場竈。則紛更愈甚。關繫愈大。利權不操於上。必移於下。恐豪強兼併之。徒得據爲利。其患有甚於私梟者。是以上年冬閒。臣與尙書王鼎等通盤籌酌。業將課歸場竈。及就場收稅。種種窒礙之處。詳細聲明會同具奏。在案。至分地銷鹽課歸商辦。原係

國家成法。第因日久弊生。浮費愈增。而愈多。錢糧亦愈加而愈重。卽如每年應解之帑利七十餘萬。其借本早罄於前人。彼時鹺務猶堪敷衍。又有此一千餘萬之借本。供其揮霍。是以中枵而仍能粉飾於外。今則各項竭蹶。無本可借。而轉須爲前人歲

償其利息。此外節省之款。又有四十餘萬兩。亦係沿襲於昔年。而加徵於此日。以致負重難勝。沈痼從此而甚。臣於萬難措手之時。力求補救。自接印以來。疏通積引。懲辦私梟。現據湖廣督臣。函稱漢岸舊鹽銷完。新鹽業已開秤。卽糧船水手素稱強悍。而本年回空。亦未敢仍前夾帶。儻再能多辦新引。似可望漸有轉機。無如自三月開綱以來。始而章程初定。商情不無觀望。繼而被水成災。場竈又多漫淹。加以商本乏竭。力能辦運者不過十數家。設法支持。勉強接濟。此等情形。總緣從前之受病太深。故此日之復原非易也。臣自維愚昧。實不敢謂計出萬全。惟有殫精竭慮。認真督辦。并札催運司諭飭各商。乘此旺銷之時。設

湖南文徵

卷三

疏三

三

法趕運。俟本綱限滿之後。儻能得有起色。則本朝二百年來之法。即無庸另議更張。萬一無可挽回。再行據實奏明。另行籌辦。總期於鹺務實有神益。斷不敢稍存成見。亦不敢推諉卸責。致負聖主委任之至意。所有臣通盤籌畫鹽務悉心計議緣由。理合恭摺具奏。伏乞皇上聖鑒。謹奏。

疏四

州縣養廉攤扣太多請酌量變通疏

道光七年六月

賀長齡

奏爲東省州縣養廉攤扣太多不敷辦公擬請酌量變通以紓積困而杜新虧恭摺 奏祈 聖鑒事竊臣恭讀欽奉

上諭直省各州縣經管各倉庫責成該管上司層層稽核如果實心查察遇案卽 參屬官各知畏懼何至任意虧空動輒盈千累萬等因欽此仰見 訓言明切洞見弊端臣敢不實力

湖南文徵

卷四

疏四

一

奉行以期一洗錮習溯查近年以來參辦虧空已不下百餘起各牧令亦豈罔知警戒全不愛惜功名然臣究不敢自信此後遂無虧空者何也則以致虧半由於攤捐而東省之攤捐又較他省爲重也查東省州縣素稱瘠苦所得養廉本不敷用加以例不準銷各款常年攤扣辦公益形竭蹶又有養賑不符核減老民賞賚及曹工三成軍需二成已蒙 恩豁免其六年六月以前未攤廉銀尙須補扣而上年盤查案內之無著虧缺及懸抵各款并墊解墊完錢漕等項又須於本年起接扣二成養廉歸補計州縣所得廉銀卽全數坐扣尙多不敷而各牧令辦公有費贍家有費應酬鄉里親朋又有費供給過往差使又有

費不知該牧令如何取辦。況盤查虧空皆非現任之事。以從前懸缺之項攤之於事後無涉之人。揆之事理本未得平。在定議之時亦豈不籌計及此。特以帑項不便無著耳。臣則謂攤

扣太多不但無補於國計。且於吏治民生大有妨礙。蓋州縣祇有此財。補於彼者必絀於此。是特教之挪新掩舊耳。其實舊虧未補。新虧已增於國計。仍然無益。即於嘉慶八年東省清查無著虧缺。係按缺分大小派提節省彌補。計自嘉慶八年起至九年止。共提解司庫銀一百十餘萬兩。迨後舊虧尙未補清。而十九年盤查及專參新虧。又積至六百餘萬兩之多。此其明證。然僅僅挪新掩舊而不敢於分外取財。猶州縣之醇謹者也。

湖南文徵

卷四

疏四

二

更恐公事方殷。費無所出。不肖州縣遂於錢漕取盈矣。且於詞訟索賄矣。錢漕過浮則民力疲。詞訟失平則民氣鬱。其爲害於治道者良非淺鮮。尙何國計之能裨益乎。當此功令森嚴

該牧令豈敢以身試法。臣更何敢姑容。然竊恐執法從事而犯法者仍不能止。何者。州縣例得之項爲數無多。餘則非侵公

帑卽剝民膏。其勢固不能逃於法之外。而該牧令苟紓目前之急。遂亦不顧而甘蹈之也。臣所謂不但無益於國計。且大有

妨於吏治民生者此也。臣之愚見竊謂凡事當核其實。與其名爲補苴而實則暗損。何如緩補舊欠而力杜新虧也。凡事當務

其本。與其操之大蹙。使州縣惟利是圖。吏治敝而民生亦敝。何

如寬爲之地使州縣不敢虐民百姓足則國用自足也臣與

現署藩司鍾祥通盤籌計除常年捐款由臣酌量刪減并將最苦州縣免攤外尙有軍需二成仍應補扣曹工三成尙未攤完若再加以盤查案內之二成一時并攤則爲數過多州縣實力有未逮合無仰懇 皇上格外 天恩俯準將盤查案內

之二成緩俟曹工三成攤竣後再行陸續接攤次第歸補如蒙 俞允則時日稍緩帑項仍歸有著辦公不寤州縣均得從容既不能藉口挪移更不敢無端苛斂從此講求治理禁止侵虧民庶獲安倉庫漸裕儻有貪劣之員膽敢恣意虧空則卽嚴繩以法亦足以折服其心似此量爲通變不但無損於國計

湖南文徵

卷四

疏四

三

實於吏治民生大有裨補臣愚昧之見是否有當伏乞 皇

上聖鑒訓示謹 奏

再東省州縣養廉因須攤扣各項捐款并撥還司庫歷年墊項經前撫臣 奏準提解司庫以便攤支扣撥惟查常年捐款係

按上中下三等之缺分別攤派其下缺州縣尙不分攤卽閒有酌攤之款臣已全數刪除所有提解養廉現皆無款扣撥仍須

飭令具領不特有領解之煩而該州縣等缺本清苦未得隨時支廉辦公實係支絀臣與現署藩司鍾祥悉心酌議除上中兩

等 缺各州縣攤捐較多仍將養廉提解司庫隨時扣撥外所
有下缺最苦之甯海福山海陽壽張昌樂高宛臨淄嘉祥定陶

魚臺臨朐文登鉅野蒙陰海豐新泰招遠棲霞霑化等十九州
縣解司養廉現無借墊扣撥應請仍歸各該州縣自行坐支所
有曹工三成及盤查二成并懇 皇上格外 天恩俯念
該州縣等缺分太苦辦公實多不敷一併免其攤扣以示體卹
在 聖恩免攤之處不過十餘州縣爲數甚微而該州縣等
以積累之區得此調劑則所益實多更當激發天良倍加感奮
所裨於治道者不少矣理合附片陳懇伏祈 聖鑒恩渥施
行謹 奏

湖南文徵

卷四

疏四

四

奏爲敬陳東省閘內各州縣兌漕苦累情形擬請酌量變通恭摺 奏祈 聖鑒事竊查東省有漕州縣共六十九處向分

閘內閘外在濟定張秋東昌等運河水次交兌者爲閘內東昌泰安兗曹等屬三十餘州縣是也在德州臨清等衛河水次交兌者爲閘外濟南武定臨清等屬三十餘州縣是也閘外州縣皆係冬兌春開自九十月開厥至次年二月冰泮糧船始得開行時日甚寬各州縣漕糧得以從容收足運赴水次無須買米交幫旗丁不能藉端勒索故兌費尙不甚多閘內州縣因運河歲須冬挑不能不趕早運兌故向例皆係冬兌冬開自九月開

湖南文徵

卷四

疏四

五

厥至十月初糧船便須開行時日甚迫各州縣相距水次近者一二百里遠者三四百里或因糧多收未足數或因車少趕運不及除運到水次外所有未能足額之數不能不在水次買補墊兌而旗丁因有不準買米上兌之例遂藉此多方索詐始準買補兌交竝勾通米店擡價居奇或勒折重價代爲買兌漁利稍不遂意輒將現米駁斥不收徑自開船出閘轉以該州縣誤兌稟揭該州縣恐蹈誤漕之咎只得另雇船隻運赴閘外趕兌需索日甚兌費日加而濟定前幫之任姓各丁尤爲豪橫訪聞任振標任嚴化等挾貲巨萬恣意妄爲一經簽派頭船則運官聽其指揮州縣等於魚肉若非百計刁難何由飽其慾壑此閘

內州縣兌漕苦累之實在情形也。伏思買米墊兌原屬例不準行。而向來零星小戶升合之米鄉民每以不便辱量情願折色交納。該州縣亦因數太零碎恐辱手斗給人等易於高下賤削鄉愚亦遂準其折交代爲買兌其距倉寫遠之糧戶路遙費重運送本極艱難若值陰雨連朝米石更易傷耗故鄉僻小民尤願以銀錢折納。該州縣亦不能不變通以宜民誠以天庾正供所重在米米若不佳卽實係糧戶之米亦準幫丁駁換令該州縣買補另交。但期米粒乾潔竝未嘗以買補爲必不可行也。今東省閘中三十餘州縣計其開厥收米以至兌運開行爲期尙不及一月是以若干至萬餘石之漕必須尅期收足於旬日

湖南文徵

卷四

疏四

六

之間則必所屬糧戶無一頑抗無一疲乏而後可也。又必於旬日之間將數千數萬餘石之糧運送於數百里外之水次則必風雨一無阻滯車輛一無損折而後可也。揆時度勢斷不能收足又萬萬趕運不及而必泥於不準買米上兌之例徒供旂丁訛索之費以苦此數十州縣若更相沿不改其勢必且日增似不可不思所變計也。查蘇省漕糧因兌開期迫州縣不能不買米交幫。屢經江蘇撫臣奏明在案。東省事同一例自應量爲變通以速漕運而免訛索。嗣後東省閘內有漕各州縣如屆期收未足數并趕運不及者應請

聖主恩施。準令該州縣

卽於各水次就近買補墊兌仍令趕緊征完交代案內不準以

漕尾作抵若米石未能一律乾潔許該旗丁駁換另交亦不得恣意挑斤以供需索除一面移會漕臣檄飭糧道將濟定前幫之劣丁任姓及此外各幫不法旗丁概予斥革永不準其復充并查明該丁等有無奢縱劣迹核實辦理外所有各幫兌費應責成糧道大加刪減但敷該丁辦公之用而止并飭該丁等不得於米未兌足之先徑自開船出關致累州縣雇船趕兌該州縣亦不準任意稽延有誤兌限其折價名目尤應力行查禁永遠革除至沿河各米店如有勾串擡價情事立即從嚴究辦儻該丁等膽敢仍前浮勒一經查出卽惟該糧道是問如此則旗丁無所挾制州縣得免苦累不但漕戶益臻安速而該州縣省

湖南文徵

卷四

疏四

七

此浮費則辦公不致掣肘所裨於地方者良非淺鮮臣爲東省閩內各州縣兌漕苦累不得不據實陳明并據糧道魯臣請酌量變通具詳前來理合恭摺具奏是否有當伏乞

皇上訓示謹奏

議覆嚴塞漏卮疏

道光十八年五月

賀長齡

奏爲遵

旨議奏敬抒愚忱仰祈

聖鑒事

五月初十日準刑部咨開內閣奉

上諭黃爵滋奏嚴塞漏

卮以培國本一摺著盛京吉林黑龍江將軍直省各督撫各抒所見妥議章程迅速具奏摺并發欽此臣查閱原奏該寺臣之意蓋以耗銀由於洋烟之盛行而洋烟難禁其來不得不重吸食洋烟之罰其慮患甚深其持論甚勁而惜其未審於事理也臣惟治國有經安內必先攘外未有不防其外而自擾其內者我朝最重海防平時宵小出沒猶須加謹巡查況銀出烟入爲害甚鉅卽載烟躉船不進海口而洋面皆有員弁遊巡現經

湖南文徵

卷四

疏四

八

閩浙督臣鍾祥奏定會哨章程果能實力奉行不但販烟匪徒可期斂迹卽一切闖出禁物均有稽查全洋大局得所控制詎可誘爲難防轉啟外夷以可乘之隙也且內地之種烟者眾矣食之者亦夥矣不盡資於洋也若因食烟而置之死非特於情未協兼恐勢有難行臣請得而備陳之凡論罪必須衡情食烟者非有兇暴害人之心亦無狂妄悖理之事不過如酒色過度之自戕軀命耳而與殺人同科母乃過當然使此法一行卽能懾食烟者之魄而致之生雖嚴刑亦所弗恤爲其所全者大耳而臣決其必不能者非意之也開設烟館罪加纒首矣而開館者未減於前夫以烟館之昭然在人耳目易於覺察者人猶冒

死爲之則夫食烟之在重門密室中者更無論矣且科條愈重則句結愈密摘發益難訛詐愈多滋擾益甚卽保結亦徒成文具耳今之姦盜鬪狠爲害地方者無不控官準理而犯者纍纍曾不知懲食烟何害於人而欲以一紙保結責令首告恐鄰佑不能如此奉公則食烟者復何所畏此種陋習沿海最多幾於十人而九邊防重地靜鎮爲先豈可更增紛擾臣觀隋史文帝以盜賊繁多凡盜一錢以上者皆棄市或三人共盜一瓜事發卽死於是行旅皆晏起早宿天下凜凜卒因眾怨沸騰而止伏讀高宗純皇帝御批云盜一錢一瓜皆抵死而行旅之戒心如故是峻法不足以遏奸徒見其濫刑耳聖謨洋

湖南文徵

卷四

疏四

九

洋誠萬世所當法守也夫重典旣未可用而食烟者固不盡資於洋然則銀何以貴錢何以賤也蓋天下之平久矣二百年來生齒日益蕃費用日益廣錢由官鑄歲歲而增之銀不能及也兼之錢質繁重難以致遠各處行用良惡貴賤又不一致故民間會兌止於近城閒有舟車運載尙不及銀百分之一積而見多安得不賤銀則輕便易齎所值又多各處行用大概相同數千里外皆可會兌兼能運致散而見少安得不貴唐之飛錢亦能及遠則不用銀故也今則銀日重而錢日輕矣贏絀情形較然可觀然則何法以平之溯查上古以貨交易太公立九府圜法而錢始行至周景王已患其輕而更鑄矣猶未以爲賦也漢

初但出口算錢耳。唐行兩稅始一律輸錢。亦未以銀爲幣。宋仁宗時恆苦錢荒。乃詔福建二廣輸錢者代以金銀。其時銀五十兩直錢百貫。嗣是民間亦遂以銀市易。蓋貨幣流行。曩爲衰旺。時移事異。理有固然。由宋溯前。以錢權物。而國不患貧。由宋迄今。以銀權錢。而久乃積重。旣成積重之勢。宜思通變之方。時至事起。而化裁出焉。殆天所以啟我

皇上乎。昔者禹湯值水

旱之厄。鑄金作幣。以振民饑。周官司市亦云。國凶荒則市無征。而作布布卽錢也。周景王鑄大錢。單子以爲民患。輕則作重幣。以行之。於是。以母權子而行。若不堪重。則多作輕。以行之。亦不廢重。於是。以子權母而行。史稱其時勸農贍不足。百姓蒙利。蓋

湖南文徵

卷四

疏四

十

帝王躬攬天下之利權。與時低昂。而天人交應。初非成法所能限也。然如漢武之皮幣。宋之交子。會子。元明之鈔。率皆質脆物輕。旋用旋廢。以其失五金相濟爲用之意耳。是知利用厚生。全資六府。轉輸挹注。必藉五經。除黃金爲上幣。及黃銅黑白鉛。并用鑄錢外。鐵錫粗器。未可爲國寶。惟白銅質良而品貴。實鍾德產之精華。乃僅資玩好之娛。殊褻扶輿之美。當此銀絀之際。似宜相輔而行。夫金爲水母。故幣若泉流。今以白銅而佐銀。仍屬相生於一氣。權衡銖兩。貴得其平。臣請以白銅一兩當銀五錢。以次遞加至當十兩而止。分別等差。鑄成圓錠。其止於當銀十兩者。取攜輕則流通易也。並於錠面鑿明準當紋銀若干字樣。

如洋銀之便民不須戡秤隨手可用自官俸兵餉鹽關課稅以及一切民屯額賦凡下之供於上上之頒於下并與紋銀一律通行且今之以銅濟銀猶昔之以銀濟錢也方銀未用之先亦如白銅之但供飾器耳一經功令準行遂爲後世利賴造物原無盡藏而創始必待

聖人此臣所以妄有請也臣聞滇洋

白銅器具華美不亞於銀特未悉滇中歲產幾何洋銅每歲之入內地者又幾何川岳效靈自當應時而發宋代用銀之始亦不甚多當由逐漸增廣耳應請

勅下滇省及粵閩蘇浙瀕

海之區歲入大概分數是否足資鼓鑄竝曉內外工匠人等不準打造白銅器具官吏軍民之家概行禁用其舊有者勒交官

湖南文徵

卷四

疏四

十一

優給價值毋令虧折鑄造之始銅必精而工必良則人知貴重既行之後法一定而不可易則眾皆信從自來錢幣輕重雖由積漸使然而劑之使平則恆視君人之意旨爲趨向後世食用之物無一不增於前風會日開雖聖人不能強之復古因時制宜亦惟便民而已矣如芻蕘可采而銅不乏供應請

勅下

部臣將分省設局委官督辦一切事宜悉心酌議候

旨施

行臣又思錢賤之故亦不盡由銀少我朝錢法最稱得中順

治康熙雍正之時尤極精美後乃漸不逮前法久弊生事所恆有今試持錢易銀雍正以前者得銀必多乾隆以後者得銀必少高下蓋不可誣似宜

勅下部臣加工求精以冀漸復其

舊亦擡高錢價之一法也恭逢我 皇上力行節儉凡爲民
生國計先事預籌者蓋已無微不至微臣但有一得之愚敢不
罄竭管蠡冀裨 高深於萬一而識慮短淺苦無遠猷長策
仰紆宵旰憂勞率意瀆陳無任惶悚伏祈 聖鑒訓示謹
奏

湖南文徵

卷四

疏四

三

議覆錢票無弊疏

道光十八年七月

賀長齡

奏爲錢票有利無弊遵

旨恭摺陳仰祈

聖鑒事竊

臣接閱邸鈔奉

上諭寶興奏近年銀價日昂由於奸商所

書錢票註寫外兌字樣輾轉磨兌并無現錢請嚴禁各錢鋪不
準支吾磨兌總以現錢交易以防流弊等語著步軍統領衙門
順天府五城會議具奏并直省各督撫妥議章程奏明辦理欽
此臣惟政在便民道崇簡易錢之有票猶銀之有票蓋以運實
於虛方能流轉無滯而虛不廢實仍有現錢可資非如楮幣之
卽以紙爲錢不能課實也原奏謂輾轉磨兌竝無現錢臣以爲
非無錢也蓋緣交易之時不必卽有用錢之事遂以票兌換而

湖南文徵

卷四

疏四

三

去耳如果需用甚切卽安能以空紙當實錢小民雖愚謀利則
智不待法令之程督也且今日之銀票其每歲所會兌蓋數倍
於錢矣而銀乃日貴更何得以錢賤之故歸咎錢票乎就臣愚
見錢票不獨無弊也兼有數利焉錢質繁重難以致遠有票而
運載之費可省并得交易遠方其便一也錢有良惡之異爲數
又易混淆今但以票爲憑并可不必揀錢不必過數省去許多
煩擾其便二也且也一票隨身更無宵小盜竊之虞又免船水
沈溺之失其利殆不可勝計臣嘗考之前史錢票蓋亦便國不
僅便民也唐憲宗時令商賈至京師委錢諸路進奏院及諸軍
諸使富家而以輕裝趨四方合券乃取之號曰飛錢宋太祖時

令商旅投牒三司。乃輸錢於左藏庫。而以諸州錢給之。後因制爲便錢務。所謂合券者。蓋卽今之會票。商旣便於取攜。官亦藉省齎運。國民兩利。莫善於此。明臣邱濬大學衍義補按語。謂今世亦可行之。但恐奉行。者給受有停滯之弊。出入有減換之弊耳。臣以爲唐宋上下通行。實有裨於國計。今若禁民兌會。何以順乎人情。應請一仍其舊。於計爲便。緣奉 敕議。謹就管見所及。據實直陳。是否有當。伏祈 聖鑒訓示。謹 奏奉 硃批依議。欽此。

捐建及幼堂片

道光十八年九月

賀長齡

奏再黔省向有育嬰堂以養失乳之嬰。又有孤貧院以恤廢疾之老。臣到黔兩年督同司道疊加整頓。府縣亦皆認真體卹。稽查寬嚴并用。使銖金粒米均及窮民。可以無虞。失所惟黔中瘠苦異常。每有父母俱無衣食。并乏之幼童。自五六歲至十二三歲不等。率多沿街求乞。或且乘便偷竊。既乏資生之業。又無管束之人。弱則轉死溝中。強則流而爲匪。濱於死者固可憫。流於匪者尤可慮。與其懲治於既爲匪之後。曷若保全於未爲匪之先。臣與司道捐廉爲倡。各官量力自輸。共得銀五千兩。陸續發商生息。所得息銀每年可收養幼童一百二十名。於城南外置

湖南文徵

卷四

疏四

五

房十餘間以資棲止。名曰及幼堂。其衣食被褥等項皆官爲酌定。以時贍給。至十七歲能自謀生之時始令出堂。但矜恤之中尤須約束。當派勤慎委員一人。幫同貴筑縣典史輪流照管。并僱粗識文字一人。工匠數人。擇其姿性稍優者教之認字。餘皆令其習學手藝。隨時考察勤惰。俾在堂之時既不至逸居而習於窳惰。卽出堂之後亦不至無業而相率爲非。其未屆出堂之先。若有殷實鋪戶情願帶往幫工。及紳宦人家帶去服役者。各從其便。此又隨時疏通以便多收之一法也。但不許非理凌辱。壓良爲賤。使美意轉成厲階耳。自置堂收養之後。幼童之游手乞食。衣不蔽體者。街市漸覺稀少。似亦不無小效。所有捐項均

係零碎集成不敢請敘臣爲軫恤邊氓并預杜游匪起見理合
附片陳明謹 奏

湖南文徵

卷四

疏四

夫

覆陳漢苗土司各情疏

道光十九年正月

賀長齡

奏爲遵

旨查禁漢奸盤剝苗民及衙蠹索詐訟棍教唆等

弊并就原奏所未及推廣查辦以杜滋擾而靖邊疆恭摺奏祈

聖鑒事道光十八年十二月初七日承準 軍機大臣字

寄奉

上諭有人奏滇黔兩省外來客民流民盤剝苗人士

司田產請飭查禁等語川楚粵各省窮苦之民前赴滇黔租種
苗人田地與之貿易誘以酒食衣飾俾入不敷出乃重利借與
銀兩將田典質繼而加價作抵而苗人所與佃種之地悉歸客
民流民至土司遇有互爭案件客民爲之包攬詞訟借貸銀兩
皆以田土抵債種種情弊如果屬實不得不嚴行查禁著伊里

湖南文徵

卷四

疏四

七

布顏伯燾賀長齡卽將摺內所指各情節悉心體訪嚴飭各地
方官隨時查察認真禁止除客民流民已經置買田產不計外
儻有狡黠客民人等侵占苗人土地及擅買土司田產卽將田
地斷還本人管業追價入官仍照例治罪至田土案件如有漢
人霸占苗業及夷苗誣控平民務當公平聽斷治以應得之罪
毋得任聽胥役詐索客民唆訟以杜侵越而靖邊陲原摺著鈔
給閱看將此各諭令知之欽此遵 旨寄信前來 臣等細繹

原奏之意蓋以前撫 臣 嵩溥籌辦苗疆保甲將客民一體編查

外來流民漸少又以苗俗本儉因佃種苗地之客民誘以紛華
漸致入不敷出盤剝準折苗產半歸客民其尤甚者土司與漢

民每有田土互爭之案。輒被胥役勒索。客民從而包攬教唆。借貸銀兩。動以田土抵償。應示以限制。方可保全苗業。預弭爭端。臣等伏查前撫臣嵩溥查辦苗疆保甲之後。所有續增流民。續置苗產。以及棚戶占墾盤剝。渾折等弊。均經奏明飭禁。至今

遵辦。但須實力奉行。不必更設科條。徒繁案牘。惟查原奏流民漸少之說。自今觀之。蓋未嘗少。其勢亦難強行禁止。卽所稱苗民習染紛華。生計漸蹙。亦不盡由客民之誘煽。奚以明其然也。人情莫不重去其鄉。計無復之。乃相率而轉徙。方宜導以生路。豈可轉行遏絕。黔省固多客民。興義府尤其淵藪。自嘉慶年間平定苗匪之後。地曠人稀。每有黔省下游及四川湖廣客民攜

湖南文徵

卷四

疏四

七

眷而來。租墾荒山。俱係極貧之戶。終歲竭蹶。僅足餬口。其力不能盤剝苗人。且山土瘠薄。墾種二三年後。雨水冲刷。倍形磽确。仍復遷徙他往。又他省客民往來滇粵兩省。每由興義經過。中途資釜匱乏。畱滯鄉場。城市者亦復不少。前撫臣嵩溥摺內已詳陳之。自臣到黔以來。興義各屬已無不墾之山。而四川客民及本省遵義思南等處之人。仍多搬住。終歲絡繹不絕。亦嘗出示飭屬嚴禁而不能止。細求其故。則以四川遵義人稠地貴。而興義地賤也。思南地利太薄。興義雖瘠。猶勝思南也。然而地多烟瘴。新徙之民不服水土。輒多死亡。故雖地不加廣。來者日多。曾無人滿之患。此種情形。實堪憫惻。而原奏乃謂客民獲利甚

豐半皆廣田畝而峻牆宇。母乃偶見一二遂以概之千百。若使目擊流民之苦。必不忍爲是言也。黔不產鹽布疋。又貴。類皆挹注於他省。苗民錯居岩洞。所饒者雜糧材木耳。非得客民與之交。易則鹽布無所資。卽雜糧材木亦無由銷售。分餘利以供日用。是客民未嘗不有益於苗。且苗民務耕作而不知貿易。客民耐勞而儉用。多就穀賤之地以爲家。是亦未嘗不兩有益。若謂紛華靡麗。皆由客民導之。以至窮乏。則漢人中昔稱富戶。今爲貧民者。正復不少。又將誰咎。盈虛消息。物理之常。卽無客民。固不能保苗民之常富也。訪聞黎平之苗。率多富實。固資山木之利。亦由善自經營。豈無客民往來。何以不能盤剝。然則苗民貧

湖南文徵

卷四

疏四

九

富之無常。猶之漢人耳。臣等更卽原奏所未及。細察漢民之情。形尙有數條。敢陳

聖鑒。一則苗民實爲漢民害也。黔本荒

服。皆獠獍狔狔之所居。自元置宣尉使。都元帥府。始有貴州之名。官職旣建。乃有漢人。經今五百餘年。仍是苗多於漢。查黔省上游。裸苗爲多。下游。狎苗。青苗爲多。苗民固近瀆樸。而狎苗則兇悍難馴。係五代時馬殷自邕管遷來。其種有三。一曰補籠。一曰卡尤。一曰青狎。貴陽定番廣順。皆青狎。安順鎮甯。則補籠。卡尤也。其俗以偷盜劫掠爲事。不但客民不能盤剝。卽土著漢民猶畏之。他如台供。青江。黃平等處之苗。亦多沿路行劫。滋擾客民。控制彈壓。均非易易。一則苗民自爲害也。漢苗固多爭控。卽

苗與苗或因口角或因爭佃亦復互控不休甚至苗唆苗以控苗且句串漢匪以控苗顛倒簸弄從中分肥刁詐殆難言狀一則土目土司之爲苗民害也黔省上游多土目下游多土司土司多係江西湖廣山陝江南等處之人土目則係從前土著及由滇蜀撥入之人苗民佃種土目土司之田歲上牛羊豬雞以爲年例年租其土目土司之強而暴輒虐使其苗又於年例年租之外多方科派之苦累殊甚一則苗民之爲土司土目害也緣苗民亦多奸狡或將佃種之田當與漢人土目土司所管地面甚寬無由察知久且轉相盜當輒至迷失又歷來苗民應上條銀皆由土司交地方官轉解藩庫近則以土司浮收紛紛控

湖南文徵

卷四

疏四

三

省求改歸地方官徵收及漕理飭辦苗民又相率抗糧地方官傳案不到仍責成土司土司不得不爲之代墊若欲催科歸款則又以事歸地方該土司需索不遂藉端重徵具控其譸張爲幻不必盡由漢奸亦有苗民無異於漢人而不相害者國家聲教四訖椎結侏儻漸移舊俗其中殷實之戶亦多勤事詩書況苗學屢經添設掇科出仕正不乏人衣冠之族聯門閉而重婚姻此等卽不當仍以苗民視之更有苗民絕異於漢人而不能相害者熟苗之外另有生苗多在深山窮谷之中性情嗜好飲食居處皆與人殊漢民旣不能入生苗亦復稀出雖有狡黠客民無所施其伎倆以上各情皆原奏所未及臣等惟恪遵

諭旨通飭各屬悉心訪查懲盤剝之習警包攬之風杜侵占之漸加以慇勤告誡使之歸真反樸不務奢華冀以鋤漢奸而蘇苗困而又將苗民之兇悍劫掠者嚴行究辦其誣控平民之案照例治罪則苗民之爲漢人害者亦去苗民互控句串唆使詭詐百端若能速迅聽斷不令胥役客民得售其奸則苗民之自爲害者亦去土司無違例科派之事苗民無借端挾制之心則土司與苗民互相爲害者亦去至於詩禮之家苗民亦同於漢生苗一種原不與漢人爲緣固無庸議及者也又原奏內所稱胥役詐索刁徒唆訟各情形此二弊實生民之大蠹不獨有害苗民臣到黔之後查辦衙蠹一百一十四名業經具奏在案

湖南文徵

卷四

疏四

三

又查辦教唆詞訟匪徒二十八名兇惡棍徒一百六十二名鎖繫鐵桿五百五十九名均經達部有案誠以黔省在在苗疆若非隨時隨事嚴示懲創何以除暴安良年來察看情形宵小尙爲斂迹漢苗亦各相安復以各屬控案細加比對較之從前已減十之四五惟是黔省山多田少民苗耕作已形不足又有遞年尋常軍流人犯現已積至一千七百三十餘名新疆改發人犯又積至一千二百四十餘名此等人犯或挈眷偕來或遇赦願畱生齒日繁皆與客民無異雖向例各犯止溲居住城內不許私住各鄉而生計維艱亦未便概行禁約稽查防範耳目恆苦難周臣等仍按照前撫臣嵩溥奏定章程不敢稍涉鬆

懈亦不敢過事拘泥。惟有諄飭各屬實心實力設法查辦。以仰副 聖主綏靖苗疆預弭爭端之至意。所有遵 旨飭禁並推廣查辦各緣由。理合會摺縷陳伏祈 皇上聖鑒訓示。

謹 奏奉

硃批依議欽此

湖南文徵

卷四

疏四

三

奏再冬閒合操原以整肅戎行申嚴紀律而訓練尤在平時該將弁等按期操演本有常規劣則立予革懲優卽記名候拔而賞賚不加仍恐難期奮勉況弁兵類多窘苦黔地尤屬瘠貧若非獎勸有方向以作其銳氣臣與藩司慶祿捐廉籌款共湊銀六千兩發商生息每年可得息銀七百餘兩自道光十七年起臣每月挑選出色弁兵親校一次弓箭以力勁中多爲上鎗礮以及遠有準爲優但期臨敵制勝不取虛樣美觀刀矛雜技輪番分試明列等第當面給賞該弁兵等喜於獲利又可各獻所長人人競奮上年出師仁懷臣標弁兵尙覺得力且臣標爲通

湖南文徵

卷四

疏四

三

省領袖并可激勵各營凡有來省考缺者往往自愧弗如亦各加意訓練臣復通飭省外各營挑兵必揀力強力強則膽氣自壯平日須令習苦習苦則不避險艱并仿古人選鋒之意令將奮勇兵丁另列一冊按季申報務取得用勿徒充數遇有事故隨時挑補以備不時調遣黔兵向稱勇敢加以精練更能爲國出力矣緣係訓練備防事宜理合附片陳明伏祈

聖鑒

謹奏奉

硃批認真訓練妥爲辦理欽此

會議廣敷教化疏

道光十九年七月

賀長齡

奏爲遵

旨會議具

奏仰祈

聖鑒事

竊臣等準禮部

咨開道光十九年四月十一日內閣奉

上諭御史焦友麟

奏請廣敷教化整飭風俗一摺著各直省督撫會同各該學政妥議具奏欽此等因并鈔錄原摺知照前來臣等伏維國家

建立學校原於教士之中兼寓教民之意定例府縣教官不令經手錢糧詞訟所以使之專心課士非置之閒曹也爲生員者平日果能率教自能以禮義廉恥化其鄉閭故士者待教之人也以教官教士者國家之法也因教士以教民法外之意也臣等查原摺內稱守令日不暇給教職向屬閒曹請令專司稽

湖南文徵

卷四

疏四

三

查勸諭再擇品學兼優之生員每鄉數人將

聖諭廣訓

直解按期宣講仍著教官考察儻有偷惰廢弛立予戒飭如查有習教燒香者許會縣拏究儻有扶同隱匿生員連坐教官參處等語臣等以爲各學教官令其協同勸諭則可專司稽查則不可採訪利病以補地方官耳目所不及則可責成會拏則不可恭查宣講

聖諭廣訓直解久已載在

功令凡州縣

教職等官必實力奉行方許卓薦曠誤者黜退立法本極周詳我朝二百餘年以來化行俗美海內乂安閒有邪說誣民旋

卽殄滅誠以漸摩旣久覺悟易生雖煽誘百端而邪不勝正此

誠宣講

聖諭廣訓之明效也各有司果能協恭訓迪自

可漸致敦龐不必因職業繁簡遂分畛域也查教官每月有課又隨時接見生徒以每學一二教官爲一學數十百人師果能窮經考業必將繼晷焚膏恐無暇稽查他務其教官中之毫無所事者乃昏庸闕茸之員急宜罷斥尤不當付以稽查之責也至教官偶爾訪聞邪教止應密告同城州縣俟其確查辦理若溼令會縣拏究必將添募胥差廣招告訐其無能者聽信浮言輕舉妄動其不肖者捕風捉影擾害閭閻且恐藉稽查匪類之名巧卸其訓迪生徒之責非國家所以設官教士之意也至各學生員賢否不一令其隨時隨地勸諭鄉愚則可必分派各鄉按期宣講則不可至於連坐一條尤有未便查國初有

約正值月之設以司宣講其始令舉貢生員充當旋經禮部議準此項宣講之人不拘士民不論人數誠以人地不能強齊也生員中果有品學兼優眾所信服之人用以宣講勸諭則一鄉大受其益然亦祇能隨地隨時不可強爲限制蓋一學中品學兼優者大率不過數人或書院肄業或設館授徒藉其膏火束脩贍家餬口若鄉派數人月講數次遠近不一往返需時廢詩書而事奔走恐非所以示體卹也再查

欽定臥碑生員

不許干與他人詞訟今於習教燒香有扶同隱匿者予以連坐勢不能不泮以訐告由是疑誤詐索百弊叢生且邪教之人詭秘難測正學之士迂拙易欺稽查不周卽同隱匿連坐不已必

及無辜。遂使讀書守分者視學校爲畏途。見事生風者藉訐告爲利藪。於士氣之屈伸。人才之清濁。關係尤鉅。臣等以爲民風之純駁。固視士習爲轉移。而端本澄原。實由吏治。若能實心整飭。不必多設科條。相應請 旨敕下部臣核議。可否仍照舊

章申明誥誡。於宣講

聖諭廣訓各條。責成守令教職。無

分彼此協力奉行。并嚴飭各道府。不時稽查。偷惰者立予罷黜。其各學生員。有能正己率物。化及一鄉者。許守令教官。不時舉報。以待獎勵。其行止有虧。以致鄉曲效尤。貽害風俗者。立卽褫革。該管官徇隱不報。嚴加參處。總期默運潛移。使吏治士習。民風蒸蒸日上。以仰副我 皇上久道化成之至意。所有臣等

湖南文徵

卷四

疏四

美

會議緣由。是否有當。謹合詞恭摺具 奏伏乞 訓示遵行。

謹 奏奉

硃批所議是照所請行。欽此。

奏爲黔省添設義倉酌議章程恭摺奏祈

聖鑒事竊照黔

省田少民貧不通舟楫向無別項糧食販運入境全賴本地所產之糧以供食用中年僅足餬口豐歲雖有餘粟而民皆隨時售賣絕少蓋藏一值歉收輒有嗷嗷待哺之患自應預爲籌備以免臨事周章臣與司道通飭各府廳州縣將常平穀石加謹收貯以備不時之需其舊有義倉穀石動用者勒限買補虧缺者上緊追還不準稍有短少其無義倉之處竝飭設法添辦先於省城糧儲道署內籌積義倉穀一萬石現已如數實貯并據永甯州報捐義倉穀一千二百石羅斛州判報捐義倉穀一千

湖南文徵

卷四

疏四

七

三百石皆已收齊其餘大定等處報捐二萬餘石尙未全交一俟如數貯倉卽當續行奏報向來義倉章程係於青黃不接之時出借貧戶秋後收還立法未嘗不善而借易還難動滋拖欠或借者已還而經手之人影射侵蝕日久每至空虛臣與司道悉心酌議應請改出借爲平糶責成各屬與本地紳士共司其事查宋臣蘇軾奏議每稱救荒無如平糶當年歉穀貴但有數百石米在市其價自平而得銀仍復買米又可轉運不窮勝於捐賑之難爲繼卽比之出借收還亦較有把握定例常平倉穀準其存七糶三猶沿此意惟必待通報批準後始得開倉每苦緩不濟急今擬將義倉所積之穀一遇穀貴卽碾米減價出

糶以補常平所不及。銀存在官而登記在紳。穀價一平。便卽糶還。穀交自紳而銀發自官。互相稽查。以歸實貯。若非糶糶不準。擅動顆粒。庶緩急可期。有備而侵欺之弊亦除。再此項倉穀係官民捐辦。請免造冊報銷。理合恭摺具奏。伏乞 聖鑒。謹奏奉

上諭著照所議辦理。此項倉穀係官民捐辦。免其造冊報銷。該部知道。欽此。

湖南文徵

卷四

疏四

天

再礮位刀矛均爲行軍利器而威遠九脊狸等礮尤堪及遠攻堅黔省各屬俱有額設礮位間亦有未經製備者苗疆緊要武備宜精自應酌量添設至矛桿多用竹木而竹空易裂木脆易折皆不如白蠟桿堅實耐久最爲適用臣與司道督飭各府廳州縣查明舊有礮位除現在完固及已炸爛鏽壞分別改鑄修整外據糧儲道任樹森報捐擡礮四位石阡府宋慶常報捐擡礮二位一幷安設石阡郡城貴西道周廷授率同遵義府黃樂之捐造九脊狸礮二位添設遵義郡城前署思南府鄧應台報捐威遠礮二位九脊狸礮二位分設府城四門以壯軍威而資

湖南文徵

卷四

疏四

无

捍衛糧儲道任樹森又捐購白蠟矛桿二百根分發省城三營配用前署臣標左營中軍參將王志元代理中軍事貴陽營游擊富保兼署中軍事右營游擊博爾洪武先後捐製白蠟矛桿二百根利刀四百把長矛二百四十根足備操練之用其餘軍械并飭隨時修製以重邊防理合附片陳明伏乞
聖鑒謹
奏奉

硃批好欽此

試種桑秧木棉紡織有效疏道光二十年正月賀長齡

奏爲試種桑秧木綿教民紡織漸有成效恭摺奏聞仰祈

聖鑒事竊臣前奏拔除罌粟改種木棉害除而利亦興可

補黔省所不足奉 硃批好欽此查黔省山多田少土瘠民

貧女紅不勤謀衣更艱於謀食臣於道光十七年卽督同藩司

慶祿糧儲道任樹森刊發蠶桑編木棉譜頒發各屬教民栽種

以冀漸知紡織先於省城附近隙地試種桑秧數萬株長至二

三尺時聽民移種又於楚豫各省兩次購回棉子二萬六千一

百餘觔分給各屬並委員攜赴各鄉於查毀罌粟之便教民改

種木棉數年以來該司道等悉心督勸前署玉屏縣知縣王存

湖南文徵

卷四

疏四

三

成所種桑樹成活者已有二萬餘株又在署設局教以養蠶取

絲織綢之法現在民間能養蠶者已有百數十戶能繅絲作綿

捻線者亦有數十人呈驗所織絲綢較勝於遵義之橡繭又署

婺川縣知縣陳文衡捐廉設局并購木棉五千觔先教以紡次

教以織現在能紡者已有七百數十人能織者已有九十餘人

局中已織成布九百四十餘疋該署令又分別等差賞以銀牌

錢文木棉并紡車織機等項使之轉相教導普利斯民又署桐

梓縣知縣鹿丕宗以該縣民但知養蠶未諳織造輒將所取之

絲轉買他處獲利甚微因雇覓工匠教之織綢民情樂於從事

現已多有能織者並將織出土綢呈驗雖經緯尙粗亦足資衣

被之利。至省城之及幼堂。亦經該司道等雇募。教民教以紡織。俾各幼童不至舍業以嬉。近亦漸能自食其力。據該司道詳報。前來。臣覆查無異。仍當督飭各屬實心勸辦。使已效者益加鼓舞。未效者不致畏難。庶幾漸推漸廣。俾草衣卉服之俗。并襲冠裳。益宏聖主旃幪之化。所有試種桑棉。教民紡織各緣由。理合恭摺具奏。伏祈聖鑒。謹奏奉

硃批。實力勸導。斷不可中輟。勉之。欽此。

議覆捕盜疏

道光二十年五月

賀長齡

奏爲遵

旨妥議捕盜事宜恭摺奏祈

聖鑒事竊臣接

準刑部咨開道光十九年十二月初一日奉

上諭鴻臚寺

少卿葉紹本奏捕盜事宜一摺著各直省督撫妥議具奏摺併

發欽此臣率同司道悉心詳核如原摺所稱盜案初報宜速移

鄰封協捕一節查盜劫之案事主呈報到官地方文武例應卽

時會勘僉差兵役追拏并查造賊冊咨移鄰封協緝是捕盜之

方例載本極周密而黔省地方處處皆有岩洞可以匿賊藏賊

各屬遇有竊盜皆先就附近搜尋往往從此破案或一時未能

全獲再移鄰封協拏若事發之始卽令舍近求遠轉恐捕役鬆

湖南文徵

卷四

疏四

三

懈賊匪潛逃自宜酌量情形未可一概而論又原摺所稱盜案

犯事宜嚴懲保甲牌頭一節查保甲牌頭原爲稽查匪類而設

故一保一牌之中遇有失事事主必先報明牌保官亦著落牌

保跟拘責無可卸其或窩畱賄縱尤應盡法嚴懲而黔省半皆

苗寨不僅保甲牌頭又有亭目亭長寨頭之別臨事固應責成

而得人尤在平日臣每飭各屬不時下鄉到處體訪必須誠實

方湲充當旣得其人責成自易又原摺所稱城鄉居民宜令守

望相助一節查守望相助其意已寓於保甲之中故保內窩匪

有連坐之罪鄰右獲盜有給賞之文知而不拏卽干例擬是民

閒自相查緝仍須分別勸懲例文已極該備而黔省山多田少

人戶畸零保禦尤關緊要臣通飭各屬於每年秋收後覆查保甲之時勸諭士民各按地界往來巡緝民苗自衛身家尙不敢稍存膜視又原摺所稱審鞫盜案無令苦累事主一節查事主報盜止許聽審一次認贓一次原以被盜之家不堪苦累是以到官次數著有明文歷經遵照辦理而黔省民苗雜處俗多刁健事主呈報動涉張皇其持械行強賊至逾貫者固所不免而裝點情形浮開贓數羅織夙嫌之家句來匪黨作證者亦復不少事主方存挾制之心官吏何敢諱匿間有通報稍涉含混估贓未能詳細臣必批令嚴切訊究確實另估以服其心現在所屬各員尙無刁難事主情弊以上四條均係申明舊例核與現

湖南文徵

卷四

疏四

三

辦章程相同似毋庸另議科條致滋煩擾惟黔省山深箐密又毘連楚粵川滇匪徒易於溷蹟緝捕尤應加嚴臣惟督率司道諄飭各屬實力稽查認真偵緝果能鋤奸緝暴屬境救安自當據實保舉儻或捕務懈弛罔卹民艱亦卽嚴行參辦斷不敢稍事因循以期仰副聖主除莠安良綏靖苗疆之至意所有遵旨妥議緣由理合恭摺覆奏伏乞聖鑒謹奏奉

硃批依議欽此

捐建尙節堂收卹守志貧嫠疏

道光二十年九月

賀長齡

奏爲黔省捐建尙節堂收卹守志貧嫠用廣

皇仁而勵風

化恭摺奏懇

聖恩量予甄敘以昭激勸事竊照婦節與臣

節并重而苦節視甘節尤難是以各省多有卹嫠之堂而黔中

更屬極貧之地乃此事缺然未舉則窮嫠復何所資臣披閱案

牘每因貧難自贍莫保初心或且計無復之輒尋短見徧詢各

屬比比皆然豈無窮且益堅矚然不滓而任其困苦罔計安全

旣乖敬寡屬婦之仁兼失砥節維風之義臣不敢妄請動帑又

不忍視同隔膜再四籌商惟有捐辦之一法臣與藩司慶祿貴

西道周廷授署貴陽府事準升平越直隸州知州石煦各捐廉

湖南文徵

卷四

疏四

三

五百兩署臬司事糧儲道任樹森署貴筑縣大挑知縣曾鴻燾

各捐廉二百兩護貴東道事貴陽府知府馬佑龍捐廉一千兩

學政王慶雲亦以此係善舉樂襄其成捐廉一百兩籍隸黔省

之河南藩司朱樹捐廉三百兩臬司成世瑄捐廉二百兩一時

官紳士民無不聞風鼓舞踴躍樂輸共捐銀一萬三千零六十

四兩交商生息慎選公正能事之紳耆二十四人酌送勞金專

司其事官爲督察其收卹人數若經費敷裕自應隨時擴充今

就每年所得息銀而計先以一百四十人爲額人給一摺每月

照摺各給紋銀五錢黔省食用本賤再能勤習女紅足資養贍

若守節而尙可自存不準濫給或始守而中道改節亦卽除名

至喪夫已在四旬以外卽孤苦無依亦仍歸養濟院以免牽混緣堂名尙節所以保全青年孀婦與養老之義殊也現定於本年十月辦起其辦理之法始則舉報必嚴節皆眞節繼則給領必核銀盡實銀而其要尤在司事得人臣惟有督飭司道府縣加意稽查務其實惠盡及窮瘁以免虛糜捐項除臣與學臣司道不敢請敘并捐數不及二百兩由臣分別獎勵及續收捐項容另奏請外謹將例得議敘人員姓名銀數恭繕清單敬呈

御覽合無仰懇

天恩俯加甄錄顯示激揚俾崇尙節義

之志日益堅而急公向善之情日益奮實於世道人心大有裨益臣爲振勵邊荒風化起見理合恭摺具奏伏乞

聖鑒

湖南文徵

卷四

疏四

三

訓示謹奏奉

上諭著該部議奏此項銀兩免其造冊報銷該部知道單併發欽此

奏爲遵

旨勸導民苗廣種桑棉兼教紡織謹將現在辦理

情形恭摺奏祈

聖鑒事

本年春間

臣奏試種桑棉事宜欽

奉

硃批實力勸導不可中輟勉之欽此

臣惟桑棉爲衣被

之大利而黔省向不多種者一則土棉之種不佳但能織成粗

布惟安順興義黎平三府及貴陽府屬之定番州開或有之若

細白布則皆販自他省路遠價昂故民間謀衣艱於謀食一則

種植未能如法以致木棉或花而不實桑條雖長而不茂輒謂

土地不宜因而畏難中阻

臣自撫黔以來目擊貧民藍縷情形

常以此爲地方一大缺陷惟糧儲道任樹森在黔年久熟悉風

湖南文徵

卷四

疏四

三

土人情又官講求農桑之事因委該道專心督辦方種桑之始

黔省皆係插條而蟠根不堅枝葉未能暢茂該道因於省城附

近之處治地兩區令以椹子試種頗覺根固枝繁易於長發計

十七年至今共成活三萬餘株貴陽府亦於署後隙地栽活二

萬餘株均陸續令民移種於宅畔山邊以普其利此外於石阡

思南等府各種活二萬株一萬株不等惟綏陽縣自四川移來

桑秧六萬餘株均經栽植成活辦理尤善今將種法通飭各屬

需以歲月桑多而蠶事可興矣該道又以土棉之種不佳因於

楚豫兩省購回棉子散給各屬擇其地之相宜者教民栽種並

於附郭地方雇人種植數畝教以按候鋤治之法數年以來開

花結實與楚豫等省無異。可破向來土地不宜之說。若他處實有未宜者。仍令自種土棉。以盡地利。竝據貴陽安順遵義等府及各廳州縣具報棉花收成。雖多寡不齊。而所收之種。既有畱遺。即可漸次推廣矣。該道又督飭貴陽府貴筑縣於省城南門外設局。雇匠教民紡織。竝令及幼堂之幼童一體學習。俾將來餬口有資。其尙節堂之嫠婦。則另延女師教之。該道又不時親往稽查。現在織成之布。較之販自客商者。價賤而易售。小民趨利若鶩。省城紡績者已不下數百家。各屬亦聞風興起。而惟思南府及所屬安化婺川兩縣。勸辦最爲踴躍。可見地方無不可興之利。但須實力行之耳。臣惟有督同兩司暨該道任樹森。諄

湖南文徵

卷四

疏四

三

飭各屬悉心經理。務使民鮮游惰。利溥蠶桑。以仰副

聖主

廩念邊氓

訓飭殷肫之至意。所有現辦桑棉紡織各情形

理合恭摺陳明伏祈

聖鑒謹

奏奉

硃批所辦甚好欽此

請飭學政整飭士習疏

道光五年

黃德謙

竊惟治民之道教化爲先而欲興教化必先端士習各省督撫司道以及守令固皆有訓課士子之責然或簿書錢穀鞅掌未遑至於各省學政則專司教化之事自宜董率各學教官盡心化導以風俗人心爲己任

臣

恭查嘉慶二十一年欽奉

上

諭各省學政皆慎簡儒臣畀以教化之責且按試州郡遠邇必周於該省風土人情無難察訪周知奸民倡爲邪說顛蒙從而習之或誘於財利或溺於淫邪各有受蔽之由著該學政各就按試之地察其人民所易惑者作爲論說剴切化導至士爲四民之首該學政於接見士子之時尤當諄切訓誨使以孝弟忠

湖南文徵

卷四

疏四

五

信禮義廉恥倡率其鄉閭身以先之言以喻之由寡以及眾由親以及疏蚩蚩者氓耳濡目染有所觀感而興將日用飲食羣黎徧德久之遷善遠惡翕然成風斯邪說不足誘之矣等因欽此仰見

聖諭煌煌爲世道人心計者至深且切各省學政

果能敬謹遵行自可收經正民興之效乃近日愚民之惑於邪說者如山東之大乘教兩廣之添弟會及白陽天主等教雖法律森嚴猶復轉相傳習且漸蔓延於鄰境省分此等匪徒左道惑眾法所不寬但與其懲之於既犯之後而莫淨根株不若導之於未犯之前而使之悔悟夫鄉愚縱屬無知然亦各有身家當其傳習之初若該處士子有能明斥其非忱以禍福者亦必

惕然改悔蓋士者民之表率與民復相習近雖窮鄉僻壤亦自有一二青衿果能敦品勵學以式化其鄰里親申自較之官長之禁令尤爲親切無如近日士子能表率其鄉里者少不自檢束者多或武斷鄉曲或把持官府架詞上控者有之相率罷考者有之甚至如山東省所辦周添明案內貢生劉島於孫文治等傳習邪教猶爲之書寫綾額懵然不知其非士習如此愚民復何所觀感其爲累風俗人心者不小相應請 旨飭下各省學政於按試州郡時實力整飭如生童中有不守學規武斷把持等項情弊者一經訪聞立加懲戒其束修自好者卽文理平通亦列之優等以昭獎勵併於接見之時將尊親之大義明

湖南文徵

卷四

疏四

三

白開示俾各知束身名教以轉導其鄉里期於比戶可封奸邪悉化且飭各學教官平日實心迪牖不得視考課爲故套尤宜自端模範以身設教使諸生無可議其短長如此則懲勸旣彰坊表復植庶賢良蔚起而民俗日淳矣臣更有請者道光五年卽係選拔之期選拔乃十二年始一舉行之大典各州縣皆例得拔取一人非同鄉試之通省合校可比且不糊名易書正可將文章品行二者並衡夫十室之邑必有忠信一州一縣之眾豈無行誼敦篤素爲鄉里矜式之人乃近來取士者往往比較文詞之高下與字畫之工拙而不以器識爲先甚非所以勵士習也況選拔貢生一經 朝考取入一二等者卽得以小京官

及知縣教諭等官分別錄用其登進之階視他途爲最捷尤當核其猷守不得專憑文藝亦應請 旨飭該學政等屆期慎重考取務求經明行修才能出眾者以充是選卽於現在舉行歲科兩試時預爲察訪亦不得輕聽教官之言致起奔競營求之漸所拔取者果得其人則各學之士有所激勸而入於善各屬之民亦有所觀感而恥爲非於士習民風均有裨益臣言是
否有當伏祈 皇上訓示謹 奏

竊查湖南寶慶府屬之蘇溪鎮地方濱臨資江爲舟筏所必經之地該處灘流險惡自上而下勢若建瓴舟筏至此停泊爲難乃聞近年來該處土棍串通吏役卽在該處設卡公然立局私徵稱爲蘇溪關無論船隻簿筏及所載穀米煤灰一切貨物俱須在該處停泊完納然後放行及再開行而灘頭水勢湍急舵工水手力無所施因而破壞船隻觸散簿筏每有覆溺之患查湖南一省祇設立辰關此外更無分口竝無蘇溪關名目乃該處土棍衙蠹串通一氣瀕江阻險違例私徵歷爲商旅之害該地方官何以毫無覺察若係官吏通同影射漁利擾累行舟則

湖南文徵

卷四

疏四

望

尤爲大干法紀相應請

旨飭下該省督撫確切查辦嚴禁

私徵以除積弊而安商旅再資江之下游爲長沙府屬之安化益陽等縣地固多山江流甚駛沿江土豪每招集漁戶於江心灘險水流之處釘樁壘石設造梁竿罾壩跳船等項爲取漁之具遇水落之時樁石森列上游船隻攙挽爲難若逢盛漲則樁石隱於洪濤之中下流舟筏觸之立碎卽獲救全而該漁戶等反稱損伊漁具截阻勒賠甚至乘人於危肆行搶奪行旅客商悉受其害嘉慶年間湖廣總督百齡汪志伊先後飭令圻毀不準復設有案乃近來又復違禁設造雖上年二月經總督李鴻賓飭委查辦而地方官奉行不力梁竿等項仍然布列江中遂

至七月初間益陽縣所屬黃婁灘地方有梁竿割破船隻同時溺斃二十餘人之案似此截流而漁阻碍河道致斃多人該地方官不爲圻毀難保無土豪把持吏役包庇等弊其爲害於行旅客商安有究極亦應請 旨飭下該省督撫卽飭所屬資江一帶梁竿罾壩跳船勒限概行圻毀如查有把持包庇圻而復修等弊卽嚴辦示懲其長沙岳州以下大江兩岸凡漁戶設造壕檔等具有碍河道者一併查禁庶江流順駛懋遷往來商民俱受益矣 臣謹卽所見聞據實直陳是否有當伏祈 皇上訓示謹 奏道光五年七月十八日具奏二十日奉 廷寄一道

湖南文徵

卷四

疏四

聖

附湖廣總督嵩孚湖南巡撫康紹鏞覆奏

臣等查寶慶府關稽查透漏處所除蘇溪之外尙有破口花橋蓼溪山口巨口等五卡均經先後報部有案竝非私設徵稅係知府專司土棍無從串通第經理失宜卽難免書差人等乘隙舞弊額外浮收地方土棍亦藉端挾制勾串勒索是欲絕土棍之弊全在書差得人使其無隙可乘其弊自絕該府係專司之員自應盡心調理嗣後設有弊竇惟有嚴參懲辦不敢瞻徇姑容至黃婁灘覆溺之事現據查詢屍親實因遭風溺斃尙屬可信至江邊湖岸居民大都業漁爲生設立梁竿壕檔以厚其利不願行旅艱難甚至藉端詐索實係向

來惡習前經臣李鴻賓暨升任臣嵩孚嚴飭查禁臣康紹鏞於到任後復經嚴飭現據委員等周歷安化益陽一帶竝據各州縣稟稱現已一律圻毀誠恐地方官奉行不力或日久生懈難保其不故智復萌自應隨時查禁不敢視為具文惟此外尚有筒車一項亦屬河道行旅之害查自長沙府屬之醴陵直至永州府屬之東安綿亙二千餘里間段安設以為灌田之需因河水平緩必於河中築隄使水勢急湍筒車方能轉旋歷來久遠事關農田未便概行禁止惟所築壩堰日久漸逼窄紆洄灣曲尤窒舟行儻經觸碰不特舟身損漏反得藉端訛索竝近來更有無業棍徒於兩岸向不安設筒車

湖南文徵

卷四

疏四

望

之處亦假此為名攔河築壩故窄河身其間僅容一舟往來煤米重載勢須添人索挽得以任意需索尤為商賈之患臣由粵西赴任沿途訪察深知其弊現亦嚴飭各屬查明向設筒車實為灌田所需者準令仍舊安設令其寬河面以利舟行其非向來安設以及非關灌溉之處盡行圻毀如有抗違卽嚴拏懲辦以仰副聖主除弊安商至意奉硃批一力稽查懲辦不可稍有徇隱欽此

竊州縣爲親民之官。非特實缺人員。宜於久任。不可輕於改補。卽委署人員。亦宜約計實授人員到任之遲速。斟酌遴委。不輕於更調。乃於地方有益。查例載原委之員。竝無必應改署事故。該督撫輒託故改委者。降三級調用等語。誠以州縣事務繁多。刑名錢穀均關緊要。無故改委。必滋弊竇。且以杜候補人員鑽營委署之弊。立法不爲不詳。乃近來州縣出缺。實授人員。或有事故不能到任。該上司委員署理。有屢次改委。甚至三四月一更調者。始而簡缺知縣出缺。卽令所素識人員往署。繼而中缺知縣出缺。仍令該員往署。而簡缺另委他員。而繁缺知縣出缺。

湖南文徵

卷四

疏四

器

又令該員往署。而中缺另委他員。卽一委署之間。亦無非爲人擇缺。殊不思州縣與民切近。卽署事之員。亦有興利除弊之責。若不時改委。雖有賢能之員。於地方情形。一時不能熟悉。無從展布。而在不肖之員。則以缺非已有。罔知愛惜。或於詞訟之間。納賄受賕。或假催科爲名。多方朘削。況新舊交代之際。書吏之乘機舞弊。衙役之假票嚇詐。尤爲擾害閭閻。是缺分之疲敝。吏治之廢弛。悉由於署事之多。與改委之數也。此種積習。直省多有。而湖南爲甚。臣籍隸湖南之安化縣。查安化縣知縣查崇恩。自道光三年選授以來。至本年春間。尙未曾到任。而署事已歷四員。有署事七八月而去者。卽有署事三四月而去者。更替無

常於地方殊屬無益竊恐各州縣及各直省似此者尙復不少相應請 旨飭禁嗣後州縣出缺委員署理宜約計實授人員到任之遲速爲該員署事之久暫不得無故改委仍將通省委員署事年月按季造冊送部以憑查核如有假人地相宜爲名而實爲調劑屬員起見以署簡之員改署繁缺者將該督撫參奏議處庶不至更替無常於地方吏治必有裨益臣爲慎重地方起見是否有當伏祈 皇上訓示謹 奏

10333

